



# ახალი განათლება

№15 (569) აპრილის 1998 წლიდან

www.axaliganatleba.ge



## სააღგომო ეპისტოლა

უნივერსიტეტისა და უნივერსიტეტის, სკოლისა და საკლასო სასწავლო კათოლიკოს-პაპის, მხედრულ-თავის მთავარ-სამსახურის, პიჭინისა და მხედრულ-სამსახურის მხედრულ-სამსახურის ილია II-ის

### ავტორი

**მთავარ-სამსახურის დასახელებად**

**გეოგრაფიის დასახელებად**

გვერდი 4-5

### საგანმანათლებლო კერა

**განათლება რეპორტირებად გორში**

გვერდი 6-7

### იურიდიული კონსულტაცია

**კლასიკური უნივერსიტეტის პასუხისმგებელი**

**იურიდიული**

**თავის პასუხისმგებელი**

გვერდი 8

2012 წლის 17 აპრილიდან, საქართველოს მასშტაბით, ყველა პირველ-კლასელის ონლაინრეგისტრაცია დაიწყო. 2 აპრილიდან 17 აპრილამდე პირველკლასელების ინტერნეტრეგისტრაცია იმ სკოლებში იყო შესაძლებელი, სადაც მათი დედამამიშვილები სწავლობდნენ ან მშობლები მუშაობდნენ. დანარჩენების რეგისტრაცია კი, 17 აპრილიდან 17 ივნისის ჩათვლით განხორციელდება.

წელს პირველად, რეგისტრაცია მხოლოდ ინტერნეტითაა შესაძლებელი. შვილის დასარეგისტრირებლად მშობელს მხოლოდ პირადი მონაცემის შევსება სჭირდება, რაც რამდენიმე წუთს მოითხოვს. სპეციალური აპლიკაცია შემდეგ საიტზე განთავსებულია \* [www.mes.gov.ge](http://www.mes.gov.ge). მშობლებს სკოლის არჩევანი დაეხმარება [e-catalog \(www.catalog.edu.ge\)](http://www.catalog.edu.ge), სადაც ყველა საჯარო სკოლის შესახებ დეტალური ინფორმაციაა მოცემული.

ბავშვის ონლაინრეგისტრაციისათვის მშობელი შემდეგ ფორმას ავსებს: ბავშვის სახელი და გვარი, პირადი ნომერი. ირჩევს მხოლოდ ერთ სკოლას და როდესაც სისტემა რეგისტრაციას დაუდასტურებს, მას ოფიციალურად საბუთების წარდგენა უკვე სკოლაში მოუწევს.

მშობელი რეგისტრაციის წარმატებით დასრულებისთანავე იღებს

პასუხს შვილის სასურველ სკოლაში ჩარიცხვის შესახებ. ასევე, მშობელი შეტყობინებას ჩარიცხვის შესახებ, SMS-ის საშუალებითაც მიიღებს.

მშობლებს, რომლებსაც ინტერნეტთან ხელი არ მიუწვდებათ, დასარეგისტრირებლად შეუძლიათ თავიანთი რაიონის რესურსცენტრის მიმართონ. ონლაინრეგისტრაცია მხოლოდ საჯარო სკოლებზე ვრცელდება. კერძო სკოლები პირველკლასელთა მიღებას ინდივიდუალური განმარტებების საფუძველზე ახორციელებენ.

რეგისტრაციის პროცესი თავისუფალია, ნებისმიერ მშობელს მონაწილე მისთვის სასურველ სკოლაში შეუძლია დაარეგისტროს. პირველკლასელთა სასურველ სკოლაში ონლაინრეგისტრაციისათვის საცხოვრებელ ადგილს მნიშვნელობა არ ენიჭება. ყველა დაარეგისტრირებული ბავშვი 15 სექტემბერს პრეზიდენტისგან საჩუქრად პერსონალურ კომპიუტერს „ბუკს“ მიიღებს.

შეგახსენებთ, რომ ბავშვის სკოლაში მიყვანა მშობელს შეუძლია 5 წლის ასაკიდან. პროცესი ნებაყოფლობითაა და მშობელი თავად აკეთებს არჩევანს.

## გთავაზობთ

თამარ გელიტაშვილი  
ამირან გომართელი

**ტულუნი**

ქართულ ლიტერატურაში

**საბავსტაბო გამოსცდისათვის**

წიგნი I

- მუშაინის ნაშაბა
- აბო თბილელის ნაშაბა
- გრიგოლ ხანათელის მხედრება
- სიზრქანი სიმონისა
- ღაბრიალის

თამარ გელიტაშვილი  
ამირან გომართელი

**ტულუნი**

ქართულ ლიტერატურაში

**საბავსტაბო გამოსცდისათვის**

წიგნი II

**მთა რუსთაველი**

**ვეფხისტყაოსანი**

თამარ გელიტაშვილი  
ამირან გომართელი

**ტულუნი**

ქართულ ლიტერატურაში

**საბავსტაბო გამოსცდისათვის**

წიგნი III

- გრიგოლ ორბელიანი
- ნიკოლოზ ბარათაშვილი
- ილია ჭავჭავაძე
- აკაკი წერეთელი
- ალექსანდრე ყაზვავი
- ვაჟა-ფშაველა

ტელეფონის კრეზულას ქართულ ლიტერატურაში, რომელიც ითვალისწინებს 2012 წლის საბავსტაბო გამოსცდისათვის მოთხოვნებს.

წიგნი I – ქველი ქართული მწერლობა;  
წიგნი II – „ვეფხისტყაოსანი“;  
წიგნი III – XIX საუკუნის მწერლობა.

ავტორები: თამარ გელიტაშვილი, ამირან გომართელი

\* კრეზულაში ნახვით თითქმის ყველა საგანსადაც კითხვა-პასუხს საგანმანათლებლო დასარეგისტრირებელი ნაწარმოებებიდან;

\* მათი მშვენიერებით გაბიადვილებათ საგანმანათლებლო ტელეფონის ზედმინდებით ათვისება-შესწავლა;

\* სწორი პასუხების შემთხვევაში შედეგად თქვენ გაქვებთ ნაწარმოებთა იდეურ-მხატვრული ანალიზი;

\* თქვენ შექვებთ დაქვით ყველა საგანმანათლებლო სიტუაცია.

თითოეული კრეზულის ფასი – 10 ლარი

კრეზულას შიგნის მსურველები დაგვიკავშირდით „ახალი განათლება“ რედაქციაში: 295-80-23, 790 95-80-23, 577 13-22-83

# სააღმშენებლო ეპისკოპოსი



## ყვითელისა და ყვითელის, სრულიად საქართველოს კათოლიკოს-პატრიარქის, მცხეთა-თბილისის მთავარეპისკოპოსის, ზიჯინთისა და იხუმ-აფხაზეთის მიტროპოლიტის ილია II-ის

ყოველდღიური მღვდელმთავარნი, ღირსნი მოძღვარნი, დიაკონნი, ბერ-მონაზონნი, ყოველნი მკვიდრნი ღვთივეურთხეული ივერიის მინისა და დროებით ჩვენი ქვეყნის საზღვრებს გარეთ მცხოვრებნი ჩვენო ძვირფასო თანამემამულენო!

ქრისტე აღდგა! მაშ, მტკიცედ იდექით თავისუფლებით, რომლითაც ქრისტემ გაგვათავისუფლა და კვლავ ნულა დაიდგამთ მონობის უღელს (გალატ. 5.1).

ქრისტე აღდგა! სადა არს სიკვდილო საწერტელი შენი? ქრისტე აღდგა! სადა არს ჯოჯოხეთო ძლევაი შენი?

დღეს ზეიმობს ცა და ქვეყანა, ხარობენ კაცნი და ანგელოზთა დასნი; ჩვენც შევიდეთ სახლსა უფლისასა... და ყოველნივე ვიშვებდეთ სერითა მით სარწმუნოებისათა“ (წმ. იოანე ოქროპირი).

მაინც რა არის ჩვენი ასეთი სიხარულის მიზეზი, რატომაა პასეკი დღესასწაულთა დღესასწაული?

მთელი კოსმოსის, ხილული და უხილავი სამყაროს შემოქმედელი და სიკვდილის ერთადერთი საწყისი არის ყოველდღიური და სამეხობა. მასში, მასთან და მისით არსებობს ყოველი. იგია მარადიული, უცვლელბელი და უძრავი. დანარჩენი ყველაფერი ცოცხალი კი ვითარდება, მოძრაობს და დაუსრულებლად მიისწრაფვის მისკენ.

ადამისა და ევას ცოდვით დაცემის გამო მთელი კოსმოსი ხრწნილებას დაექვემდებარა და სამყაროში შემოვიდა სიკვდილი. „როგორც ერთი კაცის მიერ შემოვიდა ცოდვა ამ ქვეყანა, და ცოდვის მიერ – სიკვდილი, ისე სიკვდილიც გადავიდა ყველა კაცში მის მიერ“ (რომ. 5.12) ძველი აღთქმის წმიდა და მარადიული ადამიანებიც გარდაცვალების შემდეგ სამოთხეში ვერ შედიოდნენ, რადგან მემკვიდრეობით მიღებული პირველქმნილი ცოდვით დამძიმებულნი ღვთის წიაღისთვის შეუფერებელნი იყვნენ. ასე რომ, ყველასთვის დაიხსმო სასუფევლის კარი.

უფლის სამართალი და კანონზომიერება ითხოვდა, რომ ამ ცოდვის საპირწინა გამოსასყიდი ისევე ადამიანს აღესრულებინა; ხოლო რადგან კაცთა შორის და, ზოგადად, ქმნილებათა შორის, ასეთი არავინ იყო და ვერც გამოჩნდებოდა, გმინავდა სამყარო, ჯოჯოხეთი და სიკვდილი კი ზეიმობდა.

და აი, აღესრულა წარმოუდგენელი და ჩვენი გონებისათვის მიუწვდომელი საიდუმლო, – კაცობრივი ხორცი შეისხა ყოველდღიური სამეხობის მეორე პიპოსტასმა, – ძე ღვთისამ და ბეთლემს ბაგასა შინა მოეცლინა წუთისოფელს, რომ თვითონ უცოდველს ეტვირთა ჩვენი ცოდვები, დაემარცხებინა ბოროტი ძალები და ჩვენთვის კვლავ მარადიული ნეტარება მოენიჭებინა. „სიტყვა გააკაცდა, რათა ჩვენ განვღმერთობილიყავით“ (წმ. ათანასე დიდი).

ამქვეყნად უფალი ჩვეულებრივი ადამიანივით მოქმედებდა; ამიტომაც სრულად არავინ იცოდა ვინ იყო იგი. ეშმაკი მხოლოდ წმინდანს და ღვთის რჩეულს ხედავდა მასში; უდაბნოში გასულ იესოს მან გამოცდა მოუწყო და პირველი დამარცხებაც იწვნია.

მაცხოვარი შემდეგ უკვე თვითონ დევნის ეშმაკს, კურნავს შეპყრობილებს, დავრდომილებსა და კეთროვნებს, თვალს უხელს ბრძებს, აღადგენს მკვდრებს...

ბოროტი სული შეძრწუნებულა და გრძნობს, რომ ადვილად ვერ მოერევა მას. ამიტომაც მისი ნებისადმი ნებაყოფლობით დამორჩილებულ და გაუკეთურებულ ადამიანებს იყენებს თავისი მიზნის განსახორციელებლად.

და აი, იუდა..., სინედრიონი..., პილატეს სამსჯავრო, ჯვარცმა და ძე კაცისა ადამიანური ტვიკილით სავსე უკანასკნელი აღმონათქვამი: „ელი, ელი, ლამა საბაქთანო“, „უფალო, უფალო, რაისათვის დამიტევ მე“.

თითქოს აღსრულდა ფარისეველთა და ჯოჯოხეთის ძალთა წადილი, – მოკვდა იესო; მისი სული და სხეული ერთმანეთს განეშორა, მაგრამ სწორედ ამ დროს მოხდა უმთავრესი და უმნიშვნელოვანესი მოვლენა, – ქვესკნელში შთავიდა სამყაროს შემოქმედელი! ეშმაკი ჰგონებდა, რომ სხვა ადამიანთა მსგავსად შთანთქავდა ჯვარცმულ იესოს, მაგრამ თავად აღმოჩნდა ძლეული. ქრისტე მაცხოვარმა, რომელშიც საღვთო ბუნება ადამიანურ ბუნებასთან იყო შეერთებული, შემუსრა ჯოჯოხეთის ბჭენი, დაამხო მისი ძლიერება, დათრგუნა სიკვდილი და იქ მყოფი მართალთა სულნი ცათა სასუფეველში აიყვანა.

ქრისტემ „ძლევაი საკვირველი“ მოიმოქმედა. ეშმაკს ყოველიურთ სძლია და ადამიანს მიაჩნჭა სიკვდილზე გამარჯვების სისქადებლობა, მაგრამ იგი ყველამ პიროვნულად უნდა მოიპოვოს.

გავიხსენოთ უფლის სიტყვები: „მამაო, განადიდე ძე შენი, რათა ძემანცა შენმან გადიდოს შენ. რაკი მიეცი ხელმწიფება

ყველა ხორციელზე... მისცეს საუკუნო სიცოცხლე“ (იოანე 17,1,2).

ამიტომაცაა ეს დღე კაცობრიობის ისტორიაში ყველაზე მნიშვნელოვანი დღესასწაული ჩვენთვის და საერთოდ, ქრისტიანული სამყაროსათვის.

მკვდრეთით აღდგომილი უფალი სულწმიდის გარდამოსვლისას აფუძნებს წმიდა ეკლესიას – თავის მისტიკურ სხეულს, რომლის ერთი ნაწილი ცხოვრებაში მყოფ მართალთა სულებისაგან შედგება და მას მოზეიმე ეკლესია ჰქვია, ხოლო მეორე ნაწილი ამ ქვეყნად მცხოვრებ ქრისტიანთა კრებულს წარმოადგენს და მებრძოლი ეკლესია ეწოდება, რადგან თითოეულმა მისმა წევრმა ცოდვასთან ბრძოლით უნდა მოიპოვოს გადარჩენა და მარადიული სიცოცხლე.

„სასუფეველი ცათა იძულების“ – ბრძანებს სახარება. ეს ბრძოლა, უპირველეს ყოვლისა, საკუთარ თავთან გვემართებს, – ჩვენს ეგოიზმთან და ამპარტავნებასთან, რაც არის ყველაზე დიდი და საშიში ნესტარი ჩვენი სულისა. ჩვენი გული, რომელიც სავსეა ცოდვით და ცოდვითი მიდრეკილებებით, ჭუჭყისგან უნდა გავათავისუფლოთ და დავუბრუნდეთ საკუთარ თავს, – ჩვენს ნამდვილ „მეს“. ამაჲ კი, როგორც გვასწავლის უფალი, მივაღწევთ, თუ შევიყვარებთ მოყვასს, ვითარცა საკუთარ თავს.

მაშ, შეიყვარე მოყვასი და ამით შეიყვარებ შემოქმედს. შენი სიკეთე გაგიღებს სამოთხის კარს, თავმდაბლობა შეგიყვანს უფლის მავანეში, სიყვარული კი წარგადგენს შემოქმედთან, – წმ. მამების ეს რჩევა ჩვენი ცხოვრების კანონად უნდა ვაქციოთ.

ამ გზაზე შეურაცხყოფაც შეგვხვდება და ცილისწამებაც, დაცინვაც და დამდაბლებაც, დაცემაც და აღდგომაც. არ უნდა შეგვეშინდეს, ეს ყველაფერი ჩვენი ამპარტავნების ნამალია, მწარე, მაგრამ განმაკურნებელი ნამალი.

მაგრამ კაცობრიობის ნაწილი ასე სულაც არ ფიქრობს, რადგან არ სჯერათ ღმერთის და მარადიული ცხოვრების.

უღმერთოთა ნაწილი სიკვდილის აზრს მხოლოდ ამქვეყნიურ კეთილდღეობის სხვისთვის შექმნაში ხედავს; სხვანი – შვილების ყოლაში, რადგან მომავალს ანიჭებენ დიდ მნიშვნელობას, მაგრამ მათ არა აქვთ პასუხი თუნდაც ისეთ მარტივ კითხვებზე, როგორცაა მაგ.: რა აზრი აქვს გამრავლებისათვის ზრუნვას, თუ შთამომავლობა შენთან ერთად არარაობად უნდა იქცეს? მით უმეტეს, რა აზრი აქვს პროგრესს, კაცობრიობისათვის ზრუნვას, თუ ჩვენი მონაპოვარი მოხმარდება მათ, ვინც ხვალ აღარ იარსებებს?

ეს ადამიანები გარკვეულწილად სხვისთვის ცხოვრობენ, მაგრამ მათი ყოფის მიზანს ასეთი აზროვნება სრულიად აუფასურებს.

ისინი გაცილებით დასაფასებელნი არიან, ვიდრე „ლოგიკურად“ მოაზროვნენ, რომელნიც მიიჩნევენ, რომ ყველაფერი უნდა გააკეთონ საკუთრი ბედნიერებისათვის და ასევე ბედნიერად დამთავრონ ცხოვრება აქ, რადგან მათთვის იმქვეყნად არაფერი არ არსებობს.

ეს არის ყველაზე პრიმიტიული დამოკიდებულება სიცოცხლისადმი და რაოდენ სამწუხაროა, რომ ჩვენს დროში მსოფლიოში სწორედ ამგვარი განწყობისათვის ხდება ხელის შეწყობა.

მინდა თქვენი ყურადღება შევაჩერო ამ მოვლენაზე, რომ უფრო ნათლად გავერკვიოთ რა ვითარებაში გვინევს ცხოვრება.

საზოგადოებრივი ყოფისადმი „ახალი მიდგომა“ ჯერ გამოიხატა იმით, რომ შეეცადნენ, ადამიანისათვის დაეინყებინათ ცოდვის განცდა და ამოქმედდა ასეთი პრინციპი: ნებისმიერი ქმედება მისაღებია, თუ იგი არ ზღუდავს სხვის თავისუფლებას. მაგ.: სხვისი უზნეობა თუ მე არაფერს მიშავებს, ეს ქმედება უარყოფითი აღარ არის...

და დაიწყო ამგვარი აზროვნების ყველგან დამკვიდრება, რაც არის აჯანყება ზნეობისა და ადამიანურობის წინააღმდეგ.

თავისუფლება და ზნეობრიობა ბუნებითაა ადამიანისათვის. რომელიმე მათგანის უგულვებელყოფა იწვევს პიროვნების და ასევე საზოგადოების დამახინჯებას.

სეკულარიზაციის მიმდევრებმა წინ წამოიწიეს რა ცრუ თავისუფლების იდეა, ზნეობა საერთოდ ჩამოაშორეს მას და ბოლოს უკვე ასეთი პრინციპიც წამოაყენეს: რაც მსურს, ყველაფერი ბუნებრივია, დასაშვებია და მისაღებია!

ეს ნიშნავს, რომ ბოროტებაც მისაღებია და ამაში ცუდი არაფერია!

ასეთი ცხოვრების ფილოსოფია ერთ მნიშვნელობას ანიჭებს ყველა იდეასა და შეხედულებას, ღირებულებათა ყველა სისტემას და ადამიანს ნებისმიერი არჩევანის გამართლებას სთავაზობს.

საყოველთაო ჭეშმარიტება აღარ არსებობს, არსებობს მხოლოდ ინდივიდუალური „ჭეშმარიტებები“. მათ შორის კი

წარმატებულია ის მიმართულება, რომელიც მხარდაჭერილია ინფორმაციული მანქანისაგან და კარგად არის რეკლამირებული.

თეოლოგთა შეხედულებით, ფეხს იკიდებს ვულგარული აზროვნება, რომელიც ადამიანში მხოლოდ ცხოველური ინსტინქტების წინ წამოიწევს ემსახურება.

ეს არის ჭეშმარიტი თავისუფლების სრული ანტიპოდი. ეს არის ცოდვის და ეშმაკის ისეთი ბატონობა, რომლის მსგავსიც არ ახსოვს კაცთა მოდგმას! ამგვარი აზროვნების წესსა და დამოკიდებულებას პროპაგანდას უწვევენ ყველგან და მათ შორის საქართველოშიც.

როგორც ჩანს, ამ „ახალი იდეოლოგიის“ გამოვლინება და გამოხატულებაა 100 000 ქართველის წამების უწმიდეს ადგილზე ბუდა-ბარის აშენება, ასევე ქალაქის ცენტრში ცოდვის სახლების, – კაზინოს (თანაც საპატრიარქოს გვერდით) და ტოტალიტარისტის... გახსნა, სოდომ-გომორის ცოდვის ჩამდგენთა და მათი მსგავსი სხვა „გმირების“ პოპულარიზაცია.

ეკლესიას, რომელიც მის წევრთა პიროვნული ნაკლულევიანების მიუხედავად, ყოველდღე წმინდა და სრულიად უცდომელი, ქრისტეს მცნებისამებრ, ყველა უყვარს და ცდილობს დაეხმაროს მათ, მაგრამ ეს სიყვარული სულაც არ ნიშნავს ცოდვასთან შემგუებლობას. პირიქით, ჩვენი რწმენა მოითხოვს, რომ ცოდვა მოვიძულოთ და ვებრძოლოთ მას, ხოლო ადამიანი გავაფრთხილოთ და დავიცვათ.

ასეთი დანესებულებები ბევრ ცივილიზებულ და დემოკრატიულ ქვეყანაში ჯერჯერობით აკრძალულია, ხოლო სადაც დაშვებულია, მათ კანონით მკაცრად განსაზღვრული მდებარეობა აქვთ – მოცილებულნი არიან სასწავლო და რელიგიურ დაწესებულებებს, ქალაქის ცენტრს, საზოგადოების დასვენებისა და კულტურული თავშეყრის ადგილებს.

მინდა კმაყოფილებით აღვნიშნო, რომ მიუხედავად დიდი მცდელობისა და მრავალი ხელშეწყობი ფაქტორისა, ახალგაზრდების დიდმა ნაწილმა და ჩვენმა ხალხმა გაუძლო ამ საცდურს და ზნეობისა და ტრადიციული ღირებულებების დამცველად დარჩა.

ჩვენი ვალაია, ხელი შევეწყობთ მტკიცე ოჯახისა და ძლიერი სახელმწიფოს შექმნას, ამიტომაც გვსურს, რომ გამოვთქვათ ჩვენი ზოგიერთი მოსაზრება:

მიუხედავად ქვეყნის გარკვეული წინსვლისა, მოსახლეობის დიდი ნაწილი სოციალურად კვლავაც დაუცველ ფენას წარმოადგენს; დაბალია ეროვნული წარმოებისა და მცირე და საშუალო ბიზნესის მაჩვენებელი; ბაზარზე დომინირებს იმპორტული საქონელი; არარეალურადაა გაზრდილი გადასახადები, მათ შორის კომუნალური, შემოსავლის წყარო კი, დაბალანაზღაურებადია.

საჭიროა ისეთი კანონების მიღება, რომელიც შეამცირებს გადასახადებს, განსაკუთრებით კი, სოფლის მეურნეობის სფეროში, რათა იგი გახდეს დანტერესების საგანი. ფრიად სასურველია, დახმარება გაენიოს გლეხურ მეურნეობას, რომ მათ შეძლონ მინის დამუშავება, თესლის, სასუქისა და სხვა შესაბამისი საშუალებების შექმნა, ეკოლოგიურად სუფთა პროდუქციის მოყვანა და გადამამუშავება. სარეალიზაციო ბაზრის მოპოვება კი, ვფიქრობთ, სახელმწიფოს არ გაუჭირდება, მასზე მსოფლიოში მოთხოვნა დიდია.

თუ ეს განხორციელდა, მოკლე დროში შესაძლებელი იქნება წინსვლა და ხალხს დაუბრუნდება შრომის სურვილი.

ხელისუფლების განსაკუთრებული ზრუნვის საგანი, რა თქმა უნდა, უნდა იყოს ჯანდაცვის სფერო.

ექიმობა ღვთივეურთხეული და კაცობრიობის ისტორიის მანძილზე ერთ-ერთი ყველაზე კეთილშობილური საქმიანობაა. დღესაც მსოფლიოში იგი ყველაზე საპატიო და მაღალანაზღაურებადი პროფესიაა. ხოლო იქ, სადაც ექიმს არ უჭირავს სათანადო ადგილი და არა აქვს დაფასება, პაციენტს ეკარგება მისდამი ნდობა, რის შედეგადაც პირველ რიგში ზარალდება არა ექიმი, არამედ ავადმყოფი და საბოლოოდ მთელი საზოგადოება; ამიტომ, ვფიქრობთ, ჯანდაცვის პრიორიტეტად უნდა დარჩეს ექიმის კვალიფიკაციის ამაღლება, მათი პრესტიჟის დაცვა და ახალგაზრდა მაღალპროფესიული კადრის აღზრდა.

ავადმყოფის მკურნალობა ასევე დამოკიდებული ეფექტური და უსაფრთხო მედიკამენტების გამოყენებაზე, ვინაიდან უვარგისი და ფალსიფიცირებული ნამალი შეიძლება საწარმოვად ექცეს მას. ამიტომ საგანგებო ყურადღება უნდა მიექცეს ქვეყანაში შემოტანილი თუ ადგილობრივი წარმოების პრეპარატის ხარისხს.

ფრიად სასურველია სახელმწიფოს განსაკუთრებული ზრუნვის საგანი გახდეს ჩელობის ასაკში ბავშვისა და დედის ერთად ყოფნის ხელშეწყობა და დედისათვის ხელფასიანი შვებულების თუნდაც ექვს თვემდე გაზრდა.

დღეს სერიოზულად ზრუნავენ დაავადებათა პროფილაქტიკასა და მათ ადრეულ გამოვლენაზე, რაც ძალიან სწორია და აუცილებელი. ამასთან, მიმართავენ, რომ ცხოვრების ჯანსაღი წესის პროპაგანდა უნდა გაგრძელდეს ჯანდაცვის სფეროსა და ეკლესიის შორის მჭიდრო თანამშრომლობის საფუძველზე, რაც, ვფიქრობთ, უფრო ეფექტური იქნება.

დიდი ყურადღება უნდა მიექცეს პატიმართა ჯანმრთელობის მდგომარეობასაც, რადგან ციხეებში არსებობს მრავალი ხელშემწყობი ფაქტორი ისეთი სოციალურად საშიში დაავადებების მძიმე ფორმების გავრცელებისათვის, როგორცაა თუნდაც ტუბერკულოზი.

აუცილებელია სპეციალური სამსახურების მობილიზება და მათი ინტეგრირებული საქმიანობა, რომ სწორად გატარებული პროფილაქტიკური და სამკურნალო ღონისძიებებით თავიდან ავიცილოთ ციხეებში როგორც ამ დაავადების, ისე C ჰეპატიტის, შიდსის და სხვათა გავრცელება, ხოლო უკვე დაავადებულებში – დროული მკურნალობა.

ჩვენი ტკივილია, რომ საქართველოს პენიტენციურ დაწესებულებებში ძალიან ბევრი პატიმარია, მათ შორის დიდი არასრულწლოვანთა და ქალთა რაოდენობა. ვფიქრობ, მნიშვნელოვანია სასჯელალსრულების, პრობაციისა და იურიდიული დახმარების სამინისტროსთან არსებული ვადაზე ადრე გათავისუფლების მუდმივმოქმედი კომისიების უფრო აქტიური საქმიანობა. ამასთან, იქნებ ვიზრუნოთ საზოგადოებისათვის სასარგებლო შრომის, მიმავრების და სხვა ალტერნატიული სასჯელების ამოქმედებაზე იმ პატიმართა მიმართ, რომელნიც საშიშ დამნაშავეებს არ წარმოადგენენ.

კარგი იქნება, ციხეებში შეიქმნას საშუალო ადგილები, სადაც ისინი შეძლებენ თავისი ნიჭისა და შესაძლებლობების გამოყენებას. რეალობის ადამიანი კი საზოგადოებისათვის ნაკლებ საშიშია.

აუცილებელია ამოქმედდეს კანონი სასჯელის გადავადების შესახებ, რაც ნიშნავს, რომ სამედიცინო კომისიის დასკვნის საფუძველზე, მძიმე ან უკურნებელი სენით დაავადებულ

პატიმრებს უფლება მიეცეთ, დატოვონ სასჯელალსრულების დაწესებულება და გამოჯანმრთელებამდე დარჩნენ და იმკურნალონ ოჯახურ გარემოში ახლობლების მზრუნველობის ქვეშ.

პატიმრებსა და სწულელებზე ზრუნვა ღვთის მცნების აღსრულება და ერთ-ერთი მთავარი სათნოებაა.

ხშირად უთქვამთ: ხომ შეეძლო უფალს, ადამიანები სიკეთისაკენ ისე მიემართა, რომ ისინი ცოდვით არ დაეცემულიყვნენ და ამდენი განსაცდელიც აღარ გადაეტანათ?

„ღმერთი სულია“, – წერს პავლე მოციქული, – და სადაც უფლის სულია, იქ თავისუფლებაა.“ (II კორ.3,17).

ადამიანის სიდადეგ სწორედ იმაშია, რომ იგი თავისუფლებისთვისაა დაბადებული და მინიჭებული აქვს არჩევანის შესაძლებლობა კეთილსა და ბოროტს, სინამდესა და ცოდვას, სიკვდილსა და მარადიულობას შორის.

თავისუფლების მთავარი არსი იმაში მდგომარეობს, რომ ამა თუ იმ პიროვნებამ თავისი სურვილით, გაცნობიერებულად, სიყვარულით დაუმორჩილოს თავისი ნება ღვთის ნებას, რათა მოხდეს ძალდაუტანებელი შეერთება და სრული დაქვემდებარება მისდამი, რისი შედეგიც არის შემოქმედთან მსგავსების მიღწევა, ანუ მაღლისმიერი განმტოობა.

რომელი მინიერი კეთილდღეობა შეიძლება შეეძაროს იმას, რასაც უფალი თავის მორწმუნეთ უმზადებს?!

„საერთოდ, ყველა ადამიანის სული ბუნებით ქრისტიანია“ – წერს II-III-საუკუნეების ცნობილი მწერალი ტერტულიანე.

ასე რომ, თითოეულ ჩვენგანს შეუძლია გახდეს მორწმუნე და ჭეშმარიტი ღვთის მადიდებელი, თუკი, რა თქმა უნდა, ადამიანი არ გაიუკუღმართებს ბუნებას და თავისი პიროვნული არჩევანით არ დაექვემდებარება ცოდვას.

ჭეშმარიტი რწმენის მოპოვებისათვის კი აუცილებელი პირობაა საკუთარ თავში ჩაღრმავება. სულის, გულისა და გონების განწმენდა, წმინდა წერილისა და საღვთისმეტყველო ლიტერატურის კითხვა და დახმარებისთვის უფლის წინაშე ლოცვა.

ძველი ნათქვამია: მსგავსი მსგავსს შეჰხარის და შეიცნობსო. ბუნებრივია, სადაც სიბნელეა, იქ სინათლე ვერ იქნება, სადაც ჭუჭყი ბუდობს, იქ სისუფთავეზე ლაპარაკი ზედმეტია. ამიტომაც ჭეშმარიტი რწმენა ვერ იარსებებს უზნებობისა და ცოდვის გარეშე.

ხოლო ადამიანი, ვინც გულწრფელად ეძიებს სამყაროსა და თავისი არსებობის მიზეზსა და მიზანს, ვისაც მთელი არსებით სურს ჭეშმარიტების შეცნობა, ადრე თუ გვიან, მაინც იპოვის უფალს და გააცნობიერებს, რომ მისი ცხოვრება გაბრწყინებული უნდა იყოს აღდგომის ნათლით და ქრისტეში მარადიული ნეტარების დამკვიდრების სასოებით; რომ ადამიანის ამქვეყნიური ცხოვრების უმთავრესი მიზანი სასუფეველის მოპოვებაა, დანარჩენი ყველაფერი, – სამშობლო, ოჯახი, შვილები, ახლობლები, მეგობრები და ყოველივე ამქვეყნიური მოღვაწეობა ამ მიზნით უნდა იყოს წარმართული. უფალი ბრძანებს – მე ვარ ანი და ჰაე, დასაბამი და დასასრული (გამოცხ. 1.8); მე ვარ აღდგომა და სიცოცხლე. ვისაც ჰსწამს ჩემი, კიდევ, რომ მოკვდეს, იცოცხლებს (ინ. 11,25).

ჩემო სულიერო შვილებო, აფხაზნო, ოსნო, უკრაინელნო, ქართველნო, ბერძენნო, ასირიელნო, აზერბაიჯანელნო, რუსნო, სომეხნო და ქურთნო, უდინნო, იეზიდნო და სხვანო, საქართველოს ფარგლებს გარეთ მცხოვრებნო ჩვენო საყვარელო თანამემამულენო, ჩვენ გვწამს, რომ ქრისტემ მიიღო სიკვდილი იმისათვის, რომ ჩვენში მომკვდარიყო ცოდვა. მაშ, მოვკვდეთ ცოდვისთვის, რათა ჩვენშიც გაცოცხლდეს ქრისტე!

ქრისტე აღდგა! ჭეშმარიტად აღდგა!

ილია II  
სრულიად საქართველოს  
კათოლიკოს-პატრიარქი  
აღდგომა ქრისტესი  
თბილისი, 2012 წელი

ინფორმაცია

ფორუმ თეატრი  
სოციალური პრობლემების გადაჭრის კატალიზატორი



რიცის პარკში, „ფორუმ თეატრის“ პრობლემებისა და აქცია გაიმართა. საქართველოს სკოლის მოსწავლეთა გაერთიანების ალიანსის მიერ ორგანიზებული ღონისძიება თეატრალურ იმპროვიზაციებს მოიცავდა. პერფორმანსები სხვადასხვა თემას წარმოაჩენდა – ძალადობის დაძლევა, ახალგაზრდებში, განსაკუთრებული საჭიროებების მქონე მოსწავლეების დისკრიმინაციასთან ბრძოლას, განათლების ხელმისაწვდომობასა და მოსწავლეთა სასკოლო ცხოვრებაში ჩართულობას. იმპროვიზებულ წარმოდგენაში თბილისის თხუთმეტი სკოლის მოსწავლეები მონაწილეობდნენ.

ფორუმ თეატრი თანამედროვე ხელოვნების მიმართულებაა, რომელიც მიზნად ისახავს, თეატრალური იმპროვიზაციის გზით, ადამიანების შეხედულებებისა და მოსაზრებების წარმოჩენას ამა თუ იმ სოციალური პრობლემის გადაჭრისათვის დაკავშირებით.

პროექტი სპორტისა და ახალგაზრდობის საქმეთა სამინისტროს სიბიზი ბავშვთა და ახალგაზრდობის განვითარების ფონდის მიერ გამოცხადებული საგრანტო კონკურსის ფარგლებში დაფინანსდა. მისი მიზანია მოსწავლე ახალგაზრდებში სამოქალაქო ცნობიერების ამაღლება და საზოგადოებრივ ცხოვრებაში მათი ჩართულობის ხელშეწყობა.

პროექტის ფარგლებში, მსგავსი აქტივობები საქართველოს რვა რეგიონში განხორციელდება. დასასრულს შეჯამდება თითოეული რეგიონის მიერ წარმოდგენილი პრობლემების გადაჭრის გზები, რომლებსაც ალიანსი სამომავლო საქმიანობაში გაითვალისწინებს.

საქართველოს სკოლის მოსწავლეთა გაერთიანების ალიანსი არასამთავრობო ახალგაზრდული ორგანიზაციაა, რომელიც საქართველოს სკოლებში არსებულ მოსწავლეთა თვითმმართველობებსა და კლუბებს აერთიანებს. ორგანიზაციის მისია საქართველოს სკოლების მოსწავლეთა სამოქალაქო აქტივობებში ჩართვა და მათი ინიციატივების ხელშეწყობაა როგორც რეგიონული, ისე საერთაშორისო მასშტაბით.



# მათემატიკის კვლავობის დასახმარებლად

ამჯერად წარმოგიდგინებთ მათემატიკის მასწავლებლის სტანდარტით გათვალისწინებულ საკითხებს ფუნქციის წარმოებულის შესახებ.

## ფუნქციის წარმოებულის

ვთქვათ,  $y=f(x)$  ფუნქცია განსაზღვრულია  $x_0$  წერტილის რაიმე მიდამოში, ხოლო  $x$  ამ მიდამოს  $x_0$ -საგან განსხვავებული წერტილია.

$\Delta x = x - x_0$  სხვაობას უწოდებენ არგუმენტის ნაზრდს, ხოლო  $\Delta y = y - y_0 = f(x) - f(x_0)$  სხვაობას კი - ფუნქციის ნაზრდს  $x_0$  წერტილში ( $\Delta f(x_0)$ ).

$y=f(x)$  ფუნქციის წარმოებულის  $x_0$  წერტილში ეწოდება  $f$  ფუნქციის  $\Delta f(x_0)$  ნაზრდის არგუმენტის  $\Delta x$  ნაზრდთან შეფარდების ზღვარს (თუ ეს ზღვარი არსებობს), როცა  $\Delta x$  მიისწრაფვის ნულისაკენ:

$$y' = \lim_{\Delta x \rightarrow 0} \frac{\Delta y}{\Delta x} \quad \text{ანუ} \quad f'(x_0) = \lim_{\Delta x \rightarrow 0} \frac{f(x_0 + \Delta x) - f(x_0)}{\Delta x}$$

გეომეტრიულად წარმოებულის  $y=f(x)$  ფუნქციის გრაფიკისადმი მოცემულ  $x_0$  წერტილში გადებული მხების კუთხური კოეფიციენტი, ე.ი.  $y' = \tan \alpha$ . წარმოებულის არის ფუნქციის ცვლილების სიჩქარე  $x_0$  წერტილში.

## ელემენტარულ ფუნქციათა წარმოებულები:

$(C)' = 0$ , სადაც  $C$  მუდმივია;

1.  $(x^n)' = n \cdot x^{n-1}$ ;

2.  $(a^x)' = a^x \ln a$ ;

3.  $(e^x)' = e^x$

4.  $(\log_a x)' = \frac{1}{x \ln a}$ ;

5.  $(\ln x)' = \frac{1}{x}$ ;

6.  $(\sin x)' = \cos x$ ;

7.  $(\cos x)' = -\sin x$ ;

8.  $(\operatorname{tg} x)' = \frac{1}{\cos^2 x}$ ;

9.  $(\operatorname{ctg} x)' = -\frac{1}{\sin^2 x}$ .

## გაწარმოების ძირითადი წესები:

ვთქვათ,  $u=u(x)$  და  $v=v(x)$  ფუნქციები წარმოებადია, მაშინ:

1.  $(u \pm v)' = (u)' \pm (v)'$ ;

2.  $(u \cdot v)' = u'v + uv'$ ;

3.  $(c \cdot u)' = c \cdot u'$ , სადაც  $c$  მუდმივია;

4.  $(\frac{u}{v})' = \frac{u'v - uv'}{v^2}$ .

5. თუ  $y = f(u)$ ;  $u = u(x)$ , ე.ი.  $y = f(u(x))$ , სადაც  $f(u)$  და  $u(x)$  ფუნქციები წარმოებადია, მაშინ  $y_x' = y_u' \cdot u_x'$  (როული ფუნქციის გაწარმოების წესი). ადვილად მტკიცდება  $n$ -ის ნებისმიერი მნიშვნელობისათვის შემდეგი ტოლობა:

$$(\sqrt[n]{u})' = -\frac{u'}{n \sqrt[n]{u^{n-1}}}$$

6. ვთქვათ, რაიმე შუალედში  $y = f(x)$  ფუნქციის შიდა ფუნქციაა  $x = g(y)$ .

თუ  $f'(x)$  წარმოებულის არსებობს და არ უდრის ნულს, მაშინ მართებულია ტოლობა:

$$g'(y) = \frac{1}{f'(x)}; \quad \text{ე.ი.} \quad g'(y) = \frac{1}{f'(g(y))}$$

(შექცეული ფუნქციის გაწარმოების წესი).

გაწარმოების ცხრილისა და გაწარმოების ძირითადი წესების გამოყენებით ვიპოვოთ შემდეგ ფუნქციათა წარმოებულები:

**მაგალითი 1.** წარმოებულის განსაზღვრის საფუძველზე ვიპოვოთ  $y = \sqrt{x}$  ფუნქციის წარმოებულები.

**ამოხსნა.** ვიპოვოთ ფუნქციის ნაზრდი:  $\Delta y = \sqrt{x+\Delta x} - \sqrt{x}$ . წარმოებულის განსაზღვრის საფუძველზე გვაქვს:

$$y' = \lim_{\Delta x \rightarrow 0} \frac{\Delta y}{\Delta x} = \lim_{\Delta x \rightarrow 0} \frac{\sqrt{x+\Delta x} - \sqrt{x}}{\Delta x} = \lim_{\Delta x \rightarrow 0} \frac{(\sqrt{x+\Delta x} - \sqrt{x})(\sqrt{x+\Delta x} + \sqrt{x})}{\Delta x(\sqrt{x+\Delta x} + \sqrt{x})} =$$

$$= \lim_{\Delta x \rightarrow 0} \frac{x + \Delta x - x}{\Delta x(\sqrt{x+\Delta x} + \sqrt{x})} = \lim_{\Delta x \rightarrow 0} \frac{1}{\sqrt{x+\Delta x} + \sqrt{x}} = \frac{1}{2\sqrt{x}}$$

ე.ი.  $(\sqrt{x})' = \frac{1}{2\sqrt{x}}$ .

**მაგალითი 2.**  $y = 4x^3 - 3x^2 + 5x - 8$ .

**ამოხსნა.**

$$y' = (4x^3)' - (3x^2)' + (5x)' - (8)' = 4 \cdot 3x^2 - 3 \cdot 2x + 5 \cdot 1 - 0 = 12x^2 - 6x + 5.$$

**მაგალითი 3.**  $y = 4x^3 + \frac{1}{\sqrt{x}} - \frac{7}{\sqrt{x^2}}$ . მოვახდინოთ გარდაქმნა და მოცემული

ფუნქცია ჩავწეროთ შემდეგი სახით:

$$y = 4x^3 + x^{-\frac{1}{2}} - 7x^{-\frac{2}{3}}, \quad \text{მაშინ} \quad y' = (4x^3 + x^{-\frac{1}{2}} - 7x^{-\frac{2}{3}})' = (4x^3)' + (x^{-\frac{1}{2}})' - (7x^{-\frac{2}{3}})' =$$

$$= 4 \cdot 3x^2 + (-\frac{1}{2})x^{-\frac{3}{2}} - 7 \cdot (-\frac{2}{3})x^{-\frac{5}{3}} = 12x^2 - \frac{1}{2\sqrt{x}} + \frac{14}{3\sqrt{x^2}}.$$

**მაგალითი 4.**  $y = (x^3 - 1)\cos x$ .

**ამოხსნა.**  $y' = ((x^3 - 1)\cos x)' = (x^3 - 1)'\cos x + (\cos x)'(x^3 - 1) =$

$$= ((x^3)' - (1)')\cos x + (\cos x)' \cdot (x^3 - 1) = (3x^2)\cos x + (-\sin x)(x^3 - 1) = 3x^2\cos x - (x^3 - 1)\sin x.$$

**მაგალითი 5.**  $y = (2x^3 - 3x + 1)^5$ .

**ამოხსნა.** აღვნიშნოთ  $2x^3 - 3x + 1 = u$ , მაშინ  $y = u^5$ . თუ ვისარგებლებოთ როული ფუნქციის გაწარმოების წესით, გვაქვს:

$$y' = (u^5)'_u \cdot (2x^3 - 3x + 1)'_x = 5u^4 \cdot (6x^2 - 3) = 5(6x^2 - 3)(2x^3 - 3x + 1)^4.$$

**მაგალითი 6.**  $y = \operatorname{tg}(\ln x)$ .

**ამოხსნა.** აღვნიშნოთ  $\ln x = u$ , მაშინ  $y' = \operatorname{tg} u$ .

$$\text{გვაქვს } y' = (\operatorname{tg} u)'_u \cdot (\ln x)'_x = \frac{1}{\cos^2 u} \cdot \frac{1}{x} = \frac{1}{x \cos^2(\ln x)}.$$

**მაგალითი 7.**  $y = \log_2(3^x + 7)$ .

**ამოხსნა.** გამოვიყენოთ როული ფუნქციის გაწარმოების წესი

$$y' = \frac{1}{(3^x + 7) \ln 2} (3^x + 7)' = \frac{3^x \ln 3}{(3^x + 7) \ln 2}.$$

**მაგალითი 8.**  $y = \sqrt[5]{3x^2 + 2x + 5}$ .

**ამოხსნა.** ვისარგებლოთ ფორმულით:

$$(\sqrt[n]{u})' = \frac{u'}{n \sqrt[n]{u^{n-1}}}$$

$$\text{გვაქვს: } y' = \frac{(3x^2 + 2x + 5)'}{5 \sqrt[5]{(3x^2 + 2x + 5)^4}} = \frac{6x + 2}{5 \sqrt[5]{(3x^2 + 2x + 5)^4}} = \frac{3x + 1}{3 \sqrt[5]{(3x^2 + 2x + 5)^4}}$$

**მაგალითი 9.**  $y = \sin^3 \frac{x}{3}$ .

**ამოხსნა.**  $y' = 3 \sin^2 \frac{x}{3} \cdot (\sin \frac{x}{3})' = 3 \sin^2 \frac{x}{3} \cdot \cos \frac{x}{3} \cdot (\frac{x}{3})' = \sin^2 \frac{x}{3} \cdot \cos \frac{x}{3}$ .

**მაგალითი 10.**  $y = x^{x^2}$ .

**ამოხსნა.** მოცემულ მაგალითში ფუძე და ხარისხის მჩვენებელი დამოკიდებულია  $x$  ცვლადზე. გალოგარიტმებით ვღებულობთ:

$$\ln y = x^2 \ln x \quad (1)$$

გავაწარმოოთ ტოლობის ორივე მხარე  $x$ -ით. რადგანაც  $y$  არის  $x$ -ის ფუნქცია, ამიტომ  $\ln y$  არის როული ფუნქცია და  $(\ln y)' = \frac{1}{y} y'$

(1)-ის გაწარმოებით მივიღებთ:

$$\frac{y'}{y} = x^2 \cdot \frac{1}{x} + 2x \ln x \Leftrightarrow \frac{y'}{y} = x(1 + 2x \ln x) \Leftrightarrow y' = xy(1 + 2x \ln x) = x \cdot x^{x^2} \cdot (1 + 2x \ln x) = x^{x^2+1}(1 + 2x \ln x).$$

**მაგალითი 11.**  $h_0$  სიმაღლიდან  $v_0$  საწყისი სიჩქარით, ვერტიკალურად ზევით

ატყორცნილი სხეული მოძრაობს  $h(t) = h_0 + v_0 t - \frac{g t^2}{2}$  კანონის მიხედვით.

ვიპოვოთ სიმაღლე დედამიწის ზედაპირიდან, რომელზედაც სხეული იმყოფება დროის  $t$  მომენტში, როცა სხეულის სიჩქარე 2-ჯერ ნაკლებია საწყის სიჩქარეზე, თუ  $h_0 = 4 \frac{53}{80} \text{მ}$ ;  $v_0 = 3 \text{მ/წმ}$ ;  $g = 10 \text{მ/წმ}^2$

**ამოხსნა.** როგორც ვიცით, სიჩქარე არის გზის წარმოებულის დროით. მიტომ სხეულის სიჩქარე  $t$  მომენტისთვის იქნება  $v(t) = h'(t) = v_0 - gt$ .

პირობის თანახმად  $v(t) = \frac{1}{2} v_0$ .

$$\text{გვაქვს: } v_0 - gt = \frac{1}{2} v_0 \Leftrightarrow t = \frac{v_0}{2g}. \quad \text{ჩავსვათ მნიშვნელობები, მივიღებთ: } t = \frac{3}{20} \text{ ე.ი.}$$

$t = \frac{3}{20}$  წამის შემდეგ სხეულის სიჩქარე 2-ჯერ ნაკლები იქნება საწყის სიჩქარეზე.

$$h\left(\frac{3}{20}\right) = 4 \frac{53}{80} + 3 \cdot \frac{3}{20} - \frac{1}{2} \cdot 10 \cdot \frac{9}{400} = 4 \frac{53}{80} + \frac{9}{20} - \frac{9}{80} = 4 \frac{53 + 36 - 9}{80} = 5$$

ამრიგად, სხეული დედამიწის ზედაპირიდან დაშორებული იქნება 5 მეტრით.

მეთოდია

ბიოლოგიის კვლევითი დასახმარებლად

გენეტიკური ამოცანების ამოხსნის მეთოდია (გაბრძნობა)

ამოცანა №1.

ფერმერმა შავი ბენვის მქონე კურდღლები იყიდა. მან იცის, რომ შავი ფერი დომინირებს თეთრზე. ფერმერს სურს გაიგოს, მისი კურდღლები წმინდა ჯიშის არიან თუ არა. როგორ უნდა მოიქცეს იგი?

ამოხსნა: შავი ბენვის მქონე კურდღლის გენოტიპი შესაძლოა იყოს Aa ან AA. გენოტიპის დასადგენად საჭიროა გამაანალიზებელი შეჯვარების ჩატარება. ფერმერმა შავი ფერის კურდღელი თეთრ (aa) კურდღელთან უნდა შეაჯვაროს. თუ შთამომავლობაში ყველა ბაჭია შავი ფერის იქნება (პირველი თაობის ერთგვაროვნების კანონი), მაშინ კურდღელი წმინდა ჯიშის ყოფილა (AA), ხოლო თუ მოხდება დათიშვა და შთამომავლობაში თეთრი ბაჭია გამოერევა, კურდღელი ჰეტეროზიგოტი ყოფილა აღნიშნული ნიშნის მიხედვით.

განვიხილოთ ორივე ვარიანტი:




ამოცანა №2

ადამიანში დაავადება - ნამგლისებური ანემია - გამოიხატება იმასში, რომ სისხლში ერითროციტების ნაწილს აქვს არა დისკოსებრი, არამედ ნამგლისებური ფორმა. ასეთ ერითროციტებს ნაკლები ჟანგბადი გადააქვთ და ადამიანში ანემიის სიმპტომები ვლინდება. ნამგლისებური ანემიის დამემკვიდრება არასრული დომინირების ტიპით ხდება. გენი რეცესიულია და აუტოსომალური ლოკალიზებული. ჰეტეროზიგოტებს აღნიშნული ანემიის ნიშნები, თუმცა მათი სიცოცხლის ხან-

გრძლივობა დიდია, ხოლო რეცესიული ჰომოზიგოტები ადრეულ ასაკში იღუპებიან. ოჯახში ორივე მეუღლეს ანემიის ნიშნები აღნიშნება. განსაზღვრეთ მათი გენოტიპები. როგორია ოჯახში ჯანმრთელი და დაავადებული ბავშვების დაბადების ალბათობა?

ამოხსნა: პირობიდან გამომდინარე, მშობლებმა ზრდასრულ ასაკს მიაღწიეს, თუმცა მათ ანემიის ნიშნები აქვთ, ე.ი. მათი გენოტიპი Bb-ს შეესაბამება. შევადგინოთ შეჯვარების სქემა:



პასუხი: მშობლების გენოტიპია Bb, ჯანმრთელი ბავშვის გენოტიპია BB და მისი დაბადების ალბათობაა 25%.

ბავშვების 50%-ს (Aa) ექნება ანემიის სიმპტომები, თუმცა მათი სიცოცხლე ხანგრძლივი იქნება. შთამომავლობის 25%-ს aa გენოტიპი ექნება (ასეთი ინდივიდები ადრეულ ასაკში დაიღუპებიან).


\*\*\*

განვიხილოთ სასქესო ქრომოსომებში ლოკალიზებული გენების დამემკვიდრების მაგალითები.


ამოცანა:

ადამიანში მდგრადი რაქიტი, რომელიც D ვიტამინით მკურნალობას არ ექვემდებარება, დომინანტური მუტაციის შედეგია. გენი X-ქრომოსომაშია ლოკალიზებული. ჯანმრთელი მამაკაცი დაავადებულ ქალზე დაქორწინდა. როგორია ალბათობა, რომ წყვილს დაავადებული ბავშვი გაუჩნდება?

ამოხსნა: რადგანაც მამაკაცი ჯანმრთელია და გენი X-ქრომოსომაშია ლოკალიზებული, მისი გენოტიპი იქნება X<sup>P</sup>Y. ქალი დაავადებულია. მისი გენოტიპი შესაძლოა იყოს X<sup>P</sup>X<sup>P</sup> ან X<sup>P</sup>X<sup>p</sup>. განვიხილოთ ორივე ვარიანტი:



თუ ქალი დომინანტური ჰომოზიგოტია აღნიშნული გენის მიმართ, მაშინ მათი ყველა ბავშვი რაქიტით იქნება დაავადებული, რადგანაც მათ გენოტიპში P გენია ლოკალიზებული.




თუ ქალი ჰეტეროზიგოტია, მაშინ ბავშვების 50%, რომელთაც P გენი აქვთ (გენოტიპები - X<sup>P</sup>X<sup>P</sup> და X<sup>P</sup>Y) ავად იქნებიან, ხოლო 50% (X<sup>p</sup>X<sup>p</sup> და X<sup>p</sup>Y) - ჯანმრთელი იქნება.

ამოცანა:

ჰიპერტრიქოზის (ყურის ბიბილოს თმინობა) განმარტებული გენი რეცესიულია და Y ქრომოსომაშია ლოკალიზებული. ჰიპერტრიქოზით დაავადებული მამაკაცი დაქორწინდა ჯანმრთელ ქალზე. როგორია მშობლების და შთამომავლობის გენოტიპები?

შევადგინოთ შეჯვარების სქემა:



პასუხი: დედის გენოტიპია XX, მამის - XY<sup>a</sup> ყველა ვაჟს ექნება ჰიპერტრიქოზი, რადგანაც გენი Y ქრომოსომაშია ლოკალიზებული და ეს ქრომოსომა პათოლოგიური გენით მათ მამისგან მიიღეს. ქალებში აღნიშნული დაავადება არ ვლინდება.

ნატა გიჭიკაშვილი

ბიოლოგიის მეცნიერებათა კანდიდატი, ბაკუსუდის საერთაშორისო სკოლა

ინფორმაცია

\*\*\*



საქართველოს პრეზიდენტი, დედაენის დღესთან დაკავშირებით, პროგრამის „ქართული ენა მომავალი წარმატებისთვის“ მონაწილე პედაგოგებსა და ეთნიკურად აზერბაიჯანულ და სომეხ მოსწავლეებს ბოლნისში შეხვდა. მიხეილ სააკაშვილმა მათ პროგრამის ამოქმედებიდან ერთი წლის იუბილე მიულოცა და აღნიშნა, რომ უკვე ერთი წელია, რაც „ქართული ენა მომავალი წარმატებისთვის“ წარმატებით მოქმედებს. შეხვედრისას, პრეზიდენტმა სახელმწიფო ენის ცოდნის აუცილებლობაზე ისაუბრა და 2011-2012 სასწავლო წელს დაწყებული პროგრამის შედეგები შეაჯამა. მიხეილ სააკაშვილის თქმით, 2015 წელს სხვადასხვა ეთნოსის წარმომადგენელთა სრული უმრავლესობა ქართულად გამართულად უნდა საუბრობდეს. როგორც მან აღნიშნა, ეს ამბიციური გეგმაა, რომლის შესასრულებლად, ხელისუფლება უკან არაფერზე დაიხევს. რაც მთავარია, ეს აუცილებელია იმისთვის, რომ ქვეყნის ნებისმიერ მოქალაქეს, ეთნიკური წარმომადგენლობისა და რელიგიური მრწამსის მიუხედავად, წარმატების მიღწევის თანაბარი შესაძლებლობა ჰქონდეს.

„ასეთები საქართველოში ახლაც არიან, მაგრამ მათ წინააღმდეგ მუშაობს დრო და ის წარმატებები, რომელსაც ქვეყანამ მიიღწია“, - განაცხადა მიხეილ სააკაშვილმა მათთან საუბრისას.

ყურადღება მან უცხო ენების ცოდნის აუცილებლობაზეც გაამახვილა და აღნიშნა, რომ მნიშვნელოვანია, უპირველესად, ინგლისური ენის სწავლა, ხოლო შემდეგ სხვა ენების ათვისება.

პრეზიდენტი ქვეყნის განვითარების თემასაც შეეხო და განაცხადა, რომ აღმშენებლობის პროცესი საქართველოს ყველა კუთხეში მიმდინარეობს. ამ მხრივ, მან სამცხე-ჯავახეთი გამოყო, სადაც რამდენიმე წლის წინათ მოსახლეობისთვის დასაქმებისა და შემოსავლის მიღების ერთადერთი საშუალება რუსული სამხედრო ბაზა იყო. ახლა კი, მისი თქმით, რეგიონში 10-მდე ჰიდროელექტროსადგური, რკინიგზა და სხვა ობიექტები შენდება, დაიწყო კულტურული ძეგლების აღდგენა და ტურისტული ცენტრების მოწყობა, ასევე ვითარდება ინფრასტრუქტურა, რაც, იმას გარდა, რომ ერთ-ერთი ყველაზე სწრაფად განვითარებადი რეგიონი გახდა, მნიშვნელოვანია იმიტომაც, რომ ხალხის დასაქმებას უწყობს ხელს.

მიხეილ სააკაშვილმა ყურადღება კიდევ ერთ, მნიშვნელოვან თემას დაუთმო, რომელიც საქართველოს შეიარაღებული ძალების რეზერვისტთა სისტემას შეეხებოდა. პრეზიდენტმა აღნიშნა, რომ ეთნიკური აზერბაიჯანელებითა და სომეხებით დასახლებული ადგილებიდან ზრდასრული მამაკაცების 100 პროცენტი ქართულ რეზერვში ჩაენერა.

„ეს შეუძლებელი იქნებოდა, ისინი ამ ქვეყნის პატრიოტები რომ არ იყვნენ, - აღნიშნა მან და დასძინა - არავის დაუთმობთ ქვეყნის ამ ახალ მონაპოვარს.“

პრეზიდენტთან შეხვედრისას, საკუთარი მოსაზრება პროგრამაში მონაწილე მოსწავლეებმა და მასწავლებლებმა გამოხატეს და აღნიშნეს, რომ „ქართული ენა მომავალი წარმატებისთვის“ წარმატებით ხორციელდება. ამ ინიციატივისა და პროგრამის განხორციელებისთვის, საქართველოს პრეზიდენტს მათ მადლობაც გადაუხადეს.

ახალი პროგრამა „ქართული ენა მომავალი წარმატებისთვის“ მიხეილ სააკაშვილის ინიციატივით ამოქმედდა და მისი ეფექტიანობისთვის, ქართული ენის სახელმძღვანელოები შეიქმნა. პროგრამის მონაწილეთა მთავარი ფუნქცია ქართული ენის გაკვეთილებზე ადგილობრივ პედაგოგებთან ერთად მუშაობა და ქართული ენის შესწავლაა. პროგრამაში 300-მდე მასწავლებელია ჩართული და ყველა მათგანი ადგილობრივ ოჯახში ცხოვრობს.

ამ პროექტში მონაწილეობის მიღება შეუძლია ბაკალავრის

ხარისხის მქონე საქართველოს ნებისმიერ მოქალაქეს, რომლისთვისაც ქართული მშობლიური ენაა. არაქართულენოვან სკოლაში ერთი აკადემიური წლის მუშაობის შემდეგ, საქართველოს განათლებისა და მეცნიერების სამინისტრო, მაგისტრატურაში სწავლის გაგრძელების მსურველებს 100 პროცენტის სახელმწიფო სასწავლო სამაგისტრო გრანტით აფინანსებს. ამავდროულად, პროგრამაში ჩართვა მათ შედგავდა მუშაობის სტაჟში ეთიკურად, შესაბამისად, საშუალება აქვთ მუშაობა სკოლებში მასწავლებლებად განაგრძონ და სერტიფიცირების გამოცდა ჩააბარონ.

\*\*\*

სტუდენტური დასაქმების პროექტის ფარგლებში, 600-ზე მეტი სტუდენტი სამედიცინო სფეროში დასაქმდება. საქართველოს განათლებისა და მეცნიერების მინისტრი დიმიტრი შაშკინი და საქართველოს ჯანმრთელობის, შრომისა და სოციალური დაცვის მინისტრი ზურაბ ჭიაბერაშვილი, პროექტის მონაწილე სტუდენტებთან ერთად, ქალაქ წნორში ახლად გახსნილ „არქიმედეს კლინიკას“ ეწვივნენ და ის გარემო დათვალიერეს, სადაც მომავალი ექიმები ზაფხულში დასაქმდებიან.

დასაქმების პროექტის „Summer Job“ მონაწილეები, რომელთაც სამედიცინო მიმართულება აირჩიეს, საქართველოს მასშტაბით არსებულ კლინიკებსა და საავადმყოფოებში ერთი თვის განმავლობაში იმუშავენ. მათ სხვადასხვა სამუშაოს შესრულება მოუწევთ, ამით ისინი გამოცდილებას შეიძენენ და პირველ ანაზღაურებასაც მიიღებენ.

საქართველოს პრეზიდენტის მიერ ინიცირებული სტუდენტური დასაქმების პროექტის „Summer Job“ ფარგლებში 25 000 სტუდენტი დასაქმდება. სტუდენტები ერთი თვის განმავლობაში, 20 ივლისიდან 20 აგვისტომდე, სხვადასხვა სახელმწიფო და თუ კერძო სექტორში იმუშავენ. თითოეული სტუდენტი ხელფასის სახით 500 ლარს მიიღებს.

ერთთვიანი სამუშაოს შესრულებისას გამოიმუშავებული თანხა სტუდენტს საშუალებას მისცემს, საკუთარი სწავლა თავად დააფინანსოს ან თანხა სურვილისამებრ გამოიყენოს, რაც ასევე ძალიან მნიშვნელოვანია.

აფხაზეთის ა/რ განათლებისა და კულტურის სამინისტრო მწუხარებით იუწყება, რომ გარდაიცვალა საქართველოს დამსახურებული პედაგოგი, მეორე მსოფლიო ომის მონაწილე, მრავალი წლის განმავლობაში სოხუმის მე-5 საშუალო სკოლის დირექტორი რაჟდენ მიხეილის ძე ჭაჭია და სამძიმარს უცხადებს განსვენებულის ოჯახს.

# განათლება რევოლუციამდე გორში



გორის საოსტატო სემინარიის 1897 წლის გამოშვება

საქართველოს რუსეთთან შეერთებამდე (1801წ) გორში სახელმწიფო სკოლა არ არსებობდა. მართალი, ქართული მონარქიის არსებობის ბოლო წლებში, კერძოდ 1799 წელს, იოანე ბატონიშვილმა შეადგინა პროექტი საქართველოში უმაღლესი სასწავლებლის დაარსების შესახებ და ამ პროექტში გაითვალისწინა გორის ინტერესებიც, მაგრამ პროექტის განხორციელება არ მოხერხდა და გორიც ამ დროისათვის სასწავლებლის გარეშე დარჩა.

გავიდა წლები და 1818 წლის 16 მაისს გორში გაიხსნა დაწყებითი სასწავლებელი. სასწავლებლის გახსნას ესწრებოდნენ თავად-აზნაურობისა და სამღვდლოების წარმომადგენლები. სასწავლებელი განთავსებული იყო მტკვრის ნაპირას, სამეფო ქუჩაზე, პატარა შენობაში. 1888 წელს, ამავე ქუჩაზე, სასწავლებლისთვის აიგო ახალი ორსართულიანი შენობა.

სასულიერო სასწავლებლის შესანახად რუსის არქიმანდრიტ ნიკიფორეს უნდა შეეტანა 420 მანეთი ყოველწლიურად. შეტანილი თანხიდან 120 მანეთი უნდა მიეღო პირველი კლასის მასწავლებელს, 225 მანეთი – მეორე კლასის მასწავლებელს, რომელიც ამავე დროს ზედამხედველად მოიაზრებოდა და 75 მანეთი საკანცელარიო საქმესა და ბინის ქირას უნდა მოხმარებოდა.

სასულიერო სასწავლებელს განაგებდა ზედამხედველი და ინსპექტორი, ასევე გამგეობა, რომლის თავმჯდომარეც გახლდათ დავით ივანეს ძე დათოშვილი, საღვთო რჯულის მასწავლებელი, ნევრები: გიორგი საძაგლიშვილი – წმინდანთა ცხოვრების მასწავლებელი, სოფრომ მგალობლიშვილი – ქართული ენის მასწავლებელი, პავლე ბურჯანაძე – მათემატიკის მასწავლებელი, ალექსანდრე იტალიანსკი – რუსული ენის მასწავლებელი. სასწავლებელს ნდობა მხოლოდ 48 მოსწავლემ გამოუცხადა. 27 მათგანი სასულიერო პირთა შვილები იყვნენ, ხოლო 21 – საერო პირთა. მათი ასაკი 6-დან 17 წლამდე განისაზღვრებოდა. მოსამზადებელ კლასში სწავლის გადასახადი 5 მანეთი იყო, მაღალ კლასებში – 10 მანე-

თი. ხშირად მოსწავლეები ვერ ეგუებოდნენ სწავლის რეჟიმს და სასწავლებლიდან გარბოდნენ. აღნიშნულ ფაქტთან დაკავშირებით საძაგლოვ-ივერიელი (კირიონი) წერდა, რომ სასწავლებლიდან მონაფეთა გაქცევის მიზეზი მიუთითებდა იმაზე, რომ ახლად დაარსებული სასწავლებელი აღმოცენდა არა ადგილობრივ ნიადაგზე, არამედ უცხოეთიდან გადმოტანილ-გადმონერგულზე.

1836 წელს სასწავლებელს მისცეს სამისიონერო სკოლის ხასიათი, რათა სკოლის კურსდამთავრებულებს მუსლიმანურ რაიონებში ქრისტიანული პროპაგანდა გაენათ. ამისათვის რუსულ და ქართულ ენებს დამატება ოსური და თათრული, ხოლო ევროპულიდან – ბერძნული, რომელიც შემდგომში შეცვალეს ლათინურით.

სასწავლებელში თითქმის ყველა საგანი ისწავლებოდა: რუსული ენა და ლიტერატურა, ქართული, სომხური, აზერბაიჯანული, ფიზიკა, მათემატიკა, ისტორია, გეოგრაფია, პედაგოგია, საღვთო რჯული, სასკოლო ჰიგიენა. განსაკუთრებული ყურადღება ექცეოდა რუსულიდან ქართულად და ქართულიდან რუსულად თარგმნას.

თუ სასწავლებლის გახსნის პირველ წლებში მოსწავლეები სასწავლებლის რეჟიმს ვერ ეგუებოდნენ და გარბოდნენ, 1838 წლიდან მოსწავლეთა რიცხვი იზრდება და მოსწავრების დონე მაღლდება. მოსწავლეები განსაკუთრებით კარგად ფლობდნენ რუსულ ენას, რომელსაც ასწავლიდა თბილისის გიმნაზიის აღზრდილი პედაგოგი ხითაროვი, რომელიც უსახსრობის გამო ვერ შევიდა უნივერსიტეტში და თავისი მეთოდი გამოიყენა სასწავლებელში რუსული ენის შესასწავლად. მან, ენის უკეთ დაუფლების მიზნით, შემოიღო გაკვეთილზე საბავშვო ლიტერატურის კითხვა. კვირაში ერთხელ ყველა კლასის მოსწავლე, სადილობის შემდეგ, იკრიბებოდა სასწავლებელში, ერთ-ერთი მათგანი წასაკითხად ამზადებდა რომელიმე პიესას, სხვები კი თავიანთ თხზულებებს კითხულობდნენ.

საუბრებს ესწრებოდნენ ზედამხედველი და ყველა მასწავლებელი, ბევრჯერ – სტუმრებიც.

კითხვა საჯაროდ მიმდინარეობდა და შენიშვნებიც საჯაროდ გამოითქმებოდა. ბიბლიოთეკა ძალზე მწირი იყო, სასწავლებელს არ ჰქონდა თანხა წიგნების შესაძენად. ამიტომ, დირექციამ მიმართვა გააკეთა იმპერატორისადმი, რათა დეპარტამენტს სასწავლებლის ბიბლიოთეკისათვის 300 მანეთი გამოეყო.

გორის სასულიერო სასწავლებელი ერთ-ერთ საუკეთესო სასწავლებლად ითვლებოდა არა მხოლოდ საქართველოში, არამედ მთელ ამიერკავკასიაში. საუკეთესო სასწავლებელთა შორის იყო დასახელებული 1863 წლის თბილისის სამოქალაქო გუბერნატორის, ორლოვსკის ანგარიშში.

სასწავლებელს ასევე სახელი გაუთქვა მომღერალთა გუნდმა, რომელიც 1879 წელს ჩამოაყალიბა სიმონ კასრაძემ. გუნდში მღეროდნენ: კოტე და ია კარგარეთელები, ხარიტონ კასრაძე, ილია და

ნიკოლოზ ხახუტაშვილები, ბაგრატ ზედგენიძე, ვანო მძინარაშვილი, გიორგი ბიბლიური და იოსებ სტალინი. გუნდს დიდი წარმატება ჰქონდა გორსა და მის მაზრაში. კასრაძის ერევანში გადასვლის შემდეგ გუნდს სათავეში ჩაუდგა სიმონ გოგლიჩიძე.

1879 წლიდან 1900 წლამდე გორის სასულიერო სასწავლებელი დაამთავრა 373-მა მოსწავლემ. ბიბლიოთეკის წიგნადი ფონდი გაიზარდა 377 ერთეულით. სასწავლებელს ჰქონდა ფიზიკისა და ქიმიის ლაბორატორიები, ანატომიური და ზოოლოგიური მოდელები, მინერალოგიური კოლექციები, გეოდეზიური ინსტრუმენტები და სხვ. სემინარიის წლიური ბიუჯეტი 51 215 მანეთს შეადგენდა.

გორის სამასწავლებლო სემინარიის ერთ მესამედზე მეტს ქართველები შეადგენდნენ, ამიტომაც მოწინავე ქართველი ადამიანები სემინარიაზე დიდ იმედებს ამყარებდნენ. ჯერ კიდევ 1877 წელს „დროებაში“ ილია ალხაზიშვილი წერდა სასწავლებლის შესახებ: „კეთილმოვლენათაგან გორისათვის სხვათაშორის შეადგენს სამასწავლებლო სემინარია, რომელზედაც არის დამოკიდებული ჩვენი ხალხის იმედი, რომ იქიდან ოთხიოდე წლის შემდეგ უეჭველად გამოვიდეს ახალი თაობის განათლებული მასწავლებლები“.

გორის სასულიერო სასწავლებელში, სხვადასხვა დროს, სწავლობდნენ: იაკობ გოგებაშვილი, იოსებ სტალინი, სოფრომ მგალობლიშვილი, ლადო კეცხოველი, ნიკოლოზი, კოტე მამაცაშვილი, ნიკოლოზ ხიზანიშვილი და სხვები.

1905 წლის რევოლუციის პერიოდში გორის სასულიერო სემინარიის მოსწავლეები აქტიურად ჩაებნენ პოლიტიკურ საქმიანობაში. მათი მოთხოვნები – უხეში პედაგოგები განედევნათ სასწავლებლიდან, აკრძალულიყო მოსწავლეთა დევნა მშობლიურ ენაზე საუბრისათვის, გაზრდილიყო ქართული ენის გაკვეთილების რაოდენობა ბერძნულის ხარჯზე, მოსწავლეებს ესარგებლათ აკრძალული ლიტერატურით და სხვ. – მთავრობამ არ გაითვალისწინა და 1917 წელს სასწავლებელი გააუქმა.

1829 წელს ამიერკავკასიის სასწავლებლებისათვის გამოცემული დებულებით, 1830 წელს, გორში გაიხსნა სამაზრო, ანუ სახალხო სასწავლებელი, რომელიც მოთავსებული იყო სამების ქუჩაზე, ერთსართულიან შენობაში. სასწავლებელში ისწავლებოდა საღვთო რჯული, რუსული ენა, გრამატიკა, არითმეტიკა, გეომეტრია, გეოგრაფია, მსოფლიო ისტორიის მოკლე კურსი, ქართული და სომხური ენები, სუფთა წერა, ხატვა, ხაზვა.

სასწავლებელში იყო სამი რუსულის მასწავლებელი, მათ შორის ერთი, შტატისანი, ზედამხედველობას ასრულებდა. საღვთო რჯულს ასწავლიდა ორი მასწავლებელი: მართლმადიდებელი და სომეხი გრიგორიანელი. სამაზრო სასწავლებელი სახელმწიფო ხარჯზე არსებობდა, მას ხაზინა, წლიურად, 3340 მანეთს უხდიდა. სასწავლებელში ძირითადად თავადაზნაურთა შვილები სწავლობდნენ. 71 მოსწავლიდან 66 თავადაზნაური იყო, 5-ვაჭრის შვილი.

1880 წლის 1 ივლისიდან სამაზრო სასწავლებელი საქალაქო სასწავლებლად გადაკეთდა. მის შესანახად სახელმწიფომ გაიღო 5040 მანეთი და 40 კაპიკი. დასაწყისში მოწაფეები იხდიდნენ 5 მანეთს, ხოლო შემდეგ გადასახადი 12 მანეთამდე გაიზარდა.

საქალაქო სასწავლებელი პირველდარსებით განათლებას იძლეოდა. კურსდამთავრებულებს უფლება ჰქონდათ, სწავლა გაეგრძელებინათ ყველა სასწავლებელსა და გიმნაზიაში. სასწავლებელში, 1851-1857 წლებში, ასწავლიდა ცნობილი ქართველი ისტორიკოსი დიმიტრი ბაქრაძე.

1895 წლისათვის შედგა სასწავლებლის მე-13 გამოშვება. ამ დროისათვის, სასწავლებელი დამთავრებული ჰქონდა 173 კაცს. კურსდამთავრებულთაგან ზოგი ალექსანდროვსკის სამასწავლებლო ინსტიტუტში შევიდა, ზოგიც – სამხედრო-სამოქალაქო სამსახურში.

1861 წელს, გორში, გაიხსნა სომხურ-გრიგორიანული სასწავლებელი, რომელიც არსებობდა გორის სომხური ეკლესიის ხარჯითა და შესანიშნავად.



საქალაქო ოთხკლასიანი სასწავლებლის 1898 წლის გამოშვება.

საგანმანათლებლო კერა



საქალაქო სასწავლებლის ისტორიის პედაგოგი დიმიტრი ბაქრაძე

1869 წელს, გორში, იხსნება სახელოსნო სასწავლებელი, რომელიც ერთდერითი იყო მთელ ამიერკავკასიაში. აქ ასწავლიდნენ დურგლობას, ხარაზობას, ხარატობას, მკაზმაობას და სხვა ხელობებს.

მე-19 საუკუნის მეორე ნახევარში კავკასიის სასწავლო ოლქის სამზრუნველო საბჭო, ადგილობრივი საზოგადოება და პროგრესული პრესა, სპეციალური პედაგოგიური სასწავლო დაწესებულების გახსნასთან დაკავშირებით, საკითხს აყენებს ამიერკავკასიაში სამასწავლებლო სემინარიის გახსნის შესახებ და სათანადო შუამდგომლობას უგზავნის ზემდგომ ორგანოებს.

სემინარიის ადგილმდებარეობის შესახებ გამოითქვა სხვადასხვა მოსაზრება, დასახელება სხვადასხვა ქალაქები და რაიონები: მანგლისი, ახალქალაქი, ქუთაისი, გორი. ამ საკითხის ირგვლივ სამეფისნაცვლოს მთავარ სამმართველოს უფროსს კავკასიის ოლქის მაშინდელი მზრუნველი ნევეროვი წერდა: „სასწავლო დაწესებულების გახსნისათვის აუცილებელი იყო ისეთი ადგილის შერჩევა, სადაც ქართველებისა და სომხების მოსწავლე კონტინგენტთან ერთად იქნება შესაძლებლობა მუსლიმანი ბავშვების შესვლისა“. ამისათვის უნდა შერჩეულიყო ცენტრალური ადგილი, მაგრამ იმის გამო, რომ სემინარიას უნდა მოემზადებინა სოფლის მასწავლებლები, მოუხერხებელი იქნებოდა დიდ ქალაქში მისი გახსნა. მიუხედავად იმისა, რომ ქუთაისის გუბერნია მეტად აქტიურობდა სემინარიის გახსნისათვის, სამზრუნველო საბჭომ მაინც ერთხმად გადაწყვიტა, რომ ამიერკავკასიის სამასწავლებლო სემინარია გახსნილიყო ქ. გორში.

ფორმალური ნებართვის მიღების შემდეგ, კავკასიის ოლქის მაშინდელმა მზრუნველმა ნევეროვმა, ფაქტობრივად, ჯერ კიდევ ჩამოუყალიბებელი ამიერკავკასიის სამასწავლებლო სემინარიის დირექტორად დანიშნა ს. დივარი (რომელიც მივლინებული იყო ყა-

ზანისა და ირკუტსკის სემინარიებში მუშაობის გასაცნობად) და დაავალა მას, პირველ რიგში, ორგანიზაციული საკითხების მოგვარება და დებულების გაცნობა. დებულებაში აღნიშნული იყო შემდეგი:

● სამასწავლებლო სემინარია მიზნად ისახავს, პედაგოგიური განათლება მისცეს ამიერკავკასიის მკვიდრ ახალგაზრდებს, რომელთაც სურვილი აქვთ მასწავლებლობის ადგილობრივ დაწყებით სკოლებში;

● სემინარიაში სახელმწიფო ხარჯზე უნდა იმყოფებოდეს 25 ალსაზრდელი, აქედან 20 - ადგილობრივი მკვიდრი და 5 რუსი;

● სემინარიის ალსაზრდელების სწავლებაში პრაქტიკული ვარჯიშის ჩასატარებლად სემინარიასთან არსებობს სამი დაწყებითი სასწავლებელი - რუსული, ქართული და სომხური;

● გარდა სახელმწიფო ხარჯზე მყოფი ალსაზრდელებისა, სემინარიაში შესაძლებლობის მიხედვით დაიშვებიან ერთობების, ქალაქების, სოფლის საზოგადოების და კერძო პირების სტიპენდიანტები, აგრეთვე თავის ხარჯზე მყოფი ალსაზრდელები;

● სახელმწიფო ხარჯზე აღზრდილი სემინარისტები კურსის დამთავრების შემდეგ ვალდებული არიან უფროსთა მითითებით წელი იმსახურონ სახალხო სასწავლებლების ან სხვა სასწავლო დაწესებულებების მასწავლებლად, სწავლების კურსი განისაზღვრება სამი წლით. ადგილობრივ მკვიდრთათვის სემინარიაში შესვლის გადავილების მიზნით, სემინარიასთან იხსნება განსაკუთრებული მოსამზადებელი კლასი;

● სემინარიის დირექტორს სასწავლო ოლქის მზრუნველი ირჩევს იმ პირთაგან, რომელთაც მიღებული აქვთ უმაღლესი განათლება და თანამდებობაზე ამტკიცებს კავკასიის მეფისნაცვალი;

● სემინარიისა და მასთან არსებული სასწავლებლის მასწავლებლებს ამ თანამდებობაზე ამტკიცებს კავკასიის სასწავლო ოლქის მზრუნველი;

● სემინარიაში მომსახურენი სარგებლობენ საერთო სახალხო

განათლების სამინისტროს სახელმწიფო სამსახურის ყველა უფლებით, აგრეთვე, არსებული კანონმდებლობის საფუძველზე, ყველა უფლებითა და უპირატესობით, რაც მინიჭებული აქვს, კერძოდ, კავკასიის სასწავლო ოლქის სასწავლებლების მოსამსახურეებს.

სემინარიის პირველ დამტკიცებულ შტატში ითვლება: დირექტორი; მეცნიერებათა მასწავლებელი; მოსამზადებელი კლასის მასწავლებელი; დაწყებითი კლასის მასწავლებელი; სიმღერის მასწავლებელი; საღვთო რჯულის მასწავლებელი; ექიმი. გარდა ამისა, გათვალისწინებული იყო მეზაღვების, გიმნასტიკისა და ხელობის შემსწავლელთათვის ჯილდოები. სულ შტატით გათვალისწინებული გასაჯარი შეადგენდა 21 500 მანეთს წელიწადში. ეს თანხა სახელმწიფო საბჭოს დადგენილებით გაღებული უნდა ყოფილიყო ამიერკავკასიის ადგილობრივი შემოსავლებიდან.

გორის სამასწავლებლო სემინარიაში მეცადინეობა დაიწყო 1876 წლის 12 სექტემბერს. სემინარიაში ამ დროს ირიცხებოდა 48 მონაფე, რომელთაგან 31 ქართველი იყო. ახალგაზრდი სემინარიაში მხოლოდ ორი ქართველი მასწავლებელი იყო: საღვთო რჯულსა და ისტორიას ასწავლიდა ლაზარე ტურაშვილი, ქართული დაწყებითი სკოლის მასწავლებელი ფარნაოზ ნაცვლიშვილი, სიმღერასა და გიმნასტიკას ასწავლიდა, თვით დირექტორი სპირიდონ დივარი კი - მათემატიკას, სოკოლოვი - ბუნებისმეტყველებას, სუფთა წერასა და ხაზვას, ა. ილჩენკო - რუსულ ენასა და გეოგრაფიას, სომხურ-გრიგორიანთა სარწმუნოებას ასწავლიდა ს. ტერსტეპანოვი.

გორის სამასწავლებლო სემინარიის გახსნას მოწინავე ქართული საზოგადოება სიხარულითა და კმაყოფილებით შეხვდა. ჯერ კიდევ 1875 წლის აპრილში, სერგი მესხმა გაზეთ „დროებაში“ გამოაქვეყნა წერილი „სიღარიბისაგან შევიწროებული ხალხი არავითარ ღონისძიებას არ ზოგავს, უკანასკნელ გროშს იხდის, ოღონდაც კი შვილს ასწავლოს.“

სემინარიაში სწავლებამ უმაღლეს მწვერვალს მიაღწია დიმიტრი სემიონოვის დირექტორობის დროს, რომელიც ყაზანის უნივერსიტეტიდან იყო გადამოყვანილი. მის დროს სემინარიაში განმტკიცდა დისციპლინა, ბოლო მოელო მასწავლებლების ხშირ ცვლას. სემიონოვმა კატეგორიულად მოითხოვა, სახელმწიფო სტიპენდიანტების რიცხვი გადიდებულიყო, თითოეული მოსწავლის ხარჯები გაზრდილიყო 100 მანეთიდან 130 მანეთამდე.

1880 წლის 13 მაისიდან, სემინარიაში, დამტკიცდა „თათრული განყოფილება“, რომელიც ძირითადად აზერბაიჯანელებისაგან კომპლექტდებოდა, მაგრამ თათრული განყოფილების გახსნას, გარდა ეროვნული ნიშნისა, რელიგიური საფუძველიც ედო. ამით აიხსნება სწორედ ის გარემოება, რომ თათრულ განყოფილებაზე ხშირად გვხვდება სხვადასხვა ეროვნების მაჰმადიანი ბავშვები. ასე მაგალითად, 1879 წელს მიღებული შორის ოთხი ქართველი იყო: მამედ აბაშიძე, ჰასან ვაჩნაძე, ისკანდერ და შვეკეთ ფალავანდიშვილები. ყველა მათგანს საბუთებში ეწერა ქართული ეროვნება, ხოლო სარწმუნოებაში - მაჰმადიანი.

სემინარიაში, საგნობრივი სწავლების გვერდით, დიდ ადგილს ჰქონდა დათმობილი კლასგარეშე კითხვას, რომელიც დიდ როლს თამაშობდა სემინარიელების აღზრდა-განათლების საქმეში. მოს-

წავლენები ხშირად აწყობდნენ ლიტერატურულ დილა-სადამოებს, რომლებიც სემინარიის მასწავლებელთა ხელმძღვანელობით ტარდებოდა. მაგალითად, 1879 წლის გაზეთის „Однор“ 24 თებერვლის ნომერმა დაბეჭდა ვრცელი კორესპონდენცია გრიბოედოვის გარდაცვალებიდან 50 წლისთავისადმი მიძღვნილი ლიტერატურული დილის შესახებ, რომელიც ჩაატარეს სემინარიის მოსწავლეებმა, სადაც ხაზგასმული იყო იმ მჭიდრო ურთიერთობის შესახებ, რომელიც არსებობდა გრიბოედოვსა და მოწინავე ქართველ მოღვაწეებს შორის.

სემინარიაში იმართებოდა ლიტერატურული წრის შეკრებებიც, რომლებზეც მოსწავლეები კითხულობდნენ რევერატებს სხვადასხვა საკითხებზე. ყველა ეს ღონისძიება ხელს უწყობდა მოსწავლეთა გონებრივ განვითარებას და აჩვენებდა მათ საზოგადოებრივ საქმიანობას.

სემინარიაში მოსწავლეები პრაქტიკულ საქმიანობასაც ეწეოდნენ - ბაღებში სწავლობდნენ

ლადო აღნიშნული, ალექსანდრე ნათაძე, ვანო ავალიშვილი, ნიკო რაზიკაშვილი (ბაჩანა), თედო რაზიკაშვილი, ვანო გიუნაშვილი, ნიკო ჯანაშია, თეოფილე ხუსკივაძე, აზერბაიჯანული ოპერის ფუძემდებელი უზეირ ჰაჯიბეკოვი (სწავლობდა 1899-1904 წ.წ.).

გორის სასულიერო სემინარიის მასწავლებელთა ბირთვის კარგად ჰქონდა შეგნებული საზოგადოების, ხალხის ინტერესები - ყველა ახალგაზრდის, განურჩევლად ეროვნებისა, მოწინავე იდეებით აღზრდა. ამ მიმართულებით მუშაობდნენ სემინარიის მასწავლებლები სემინარიის არსებობის განმავლობაში. მათ შორის განსაკუთრებით აღსანიშნავია: დ. სემიონოვი, ვ. პავლოვი, არ. ქუთათელიაძე, ნ. ნოვოსპასკი, მ. ყიფიანი, ნ. ლომოური, კ. მალინინი, პ. პეტროვი და სხვები.

გორის სამასწავლებლო სემინარიაში მნიშვნელოვანი როლი შეასრულა სახალხო მასწავლებლის მომზადების საქმეში.

1910 წელს, საქალაქო თვითმმართველობისა და მოწინავე ინ-



სასულიერო სასწავლებლის ქართული ენის პედაგოგი სოფრომ მაგლობლიშვილი

მცნობას, ხეხილის მოვლას, ბოსტნეულის მოყვანას, გამოჰყავდათ აბრეშუმის ჭია, სწავლობდნენ ხარატობას, დურგლობასა და სხვადასხვა ხელობას.

გორის სამასწავლებლო სემინარია პირველი იყო, რომელიც გაიხსნა ამიერკავკასიაში და რომელმაც თავისი არსებობის 42 წლის მანძილზე საკმაოდ დახელოვნებული მასწავლებლები გამოუშვა, მათი რიცხვი 700-ს აღემატებოდა. ბევრმა მათგანმა, სახალხო მასწავლებლობის გარდა, თავი გამოიჩინა ლიტერატურულ-საზოგადოებრივ ასპარეზზე მოღვაწეობით. ამ მხრივ, საკმარისია დავასახელოთ სასწავლებლის კურსდამთავრებულები: ვაჟა-ფშაველა,

ტელიგანციის შუამდგომლობით, გორში გაიხსნა ვაჟთა პროგიმნაზია, სადაც 224 მოსწავლე სწავლობდა. 1915 წელს ის გიმნაზიად გადაკეთდა.

1922 წელს გორის ვაჟთა გიმნაზია ქალთა ჰუმანიტარულ ტექნიკუმს შეუერთდა და ჩამოყალიბდა გორის ჰუმანიტარული ტექნიკუმი. ცნობილია, რომ მე-19 საუკუნის 50-იანი წლებიდან გორში გაიხსნა კერძო პანსიონეტიც, რომელთაც ჯეროვანი წვლილი შეიტანეს მოსწავლე ახალგაზრდობის განათლების საქმეში.

იამაზა ხომასურიძე

გორის ისტორიულ-ეთნოგრაფიული მუზეუმის ფონდების მთავარი შემნახველი

იურისტის კონსულტაცია

ამჟამს თუ არა უფლება სკოლის დირექტორს გაათავისუფლოს პედაგოგი საპენსიო ასაკის გამო?

სკოლის დირექტორს არ აქვს უფლება სამსახურიდან გაათავისუფლოს პედაგოგი საპენსიო ასაკის გამო.

საპენსიო ასაკის ნიშნით მასწავლებლის სამსახურიდან გაათავისუფლება წარმოადგენს საქართველოს შრომის კოდექსით გათვალისწინებულ დისკრიმინაციას ასაკობრივი ნიშნით, ვინაიდან სკოლის დირექტორი, როგორც დამსაქმებელი, უთანასწოროდ, თვითნებურად ანსხვავებს საპენსიო ასაკის პედაგოგებს არასაპენსიო ასაკის პედაგოგებისაგან, წყვეტს მათთან შრომით ურთიერთობას ასაკობრივი ნიშნის გამო, რითაც საპენსიო ასაკის მასწავლებლის (დასაქმებულის) მიმართ ხდება ისეთი პირობების შექმნა, რომელიც პირდაპირ აუარესებს მის მდგომარეობას სხვა პედაგოგებთან (არასაპენსიო ასაკის პედაგოგებთან) შედარებით.

ამჟამს თუ არა სკოლის პედაგოგს უფლება, მოითხოვოს შვებულება კვალიფიკაციის ამაღლების მიზნით?

კვალიფიკაციის ამაღლების მიზნით, ზოგადად განმანათლებლო დაწესებულების მასწავლებელი, 6 წელიწადში ერთხელ, უფლებამოსილია მოითხოვოს ანაზღაურების გარეშე შვებულება 1 წლამდე ვადით, სამუშაო ადგილის შენარჩუნებით.

რა მოცულობის ხელფასი უნდა ჰქონდეს სკოლის პედაგოგს სრული სამუშაო კვირის შემთხვევაში?

მასწავლებლის შრომის ანაზღაურება სრული სამუშაო კვირის შემთხვევაში არ უნდა იყოს საქართველოს კანონმდებლობით დადგენილ საჯარო მოსამსახურის მინიმალურ ხელფასზე ნაკლები.

რა პრინციპით იზრდება სკოლის მასწავლებლის შრომის ანაზღაურება?

ზოგადად განმანათლებლო დაწესებულების მასწავლებლის შრომის ანაზღაურება იზრდება საჯარო სკოლის ბიუჯეტის ზრდასთან ერთად.

რა ვალდებულებები აქვს საჯარო სკოლის დირექტორს, როგორც დამსაქმებელს მასწავლებელთან გაერთიანებულის (პროფესიული კავშირების) საქმიანობისათვის პირობების შექმნაში?

საჯარო სკოლის ადმინისტრაცია ვალდებულია, არსებული მატერიალური და ფინანსური შესაძლებლობების ფარგლებში, შექმნას მასწავლებელთა გაერთიანებების (პროფესიული კავშირის) საქმიანობისათვის საჭირო პირობები, გადასცეს პირველად პროფკავშირულ ორგანიზაციას სამსახურებრივი სარგებლობისათვის სათაესები, მოწყობილობა, კავშირგაბმულობის საშუალებები დაწესებულების (საჯარო სკოლის) ხარჯზე.

მასწავლებელთა გაერთიანებებს (პროფესიულ კავშირებს) უფლება აქვთ, თანაბარ პირობებში, დისკრიმინაციის გარეშე, დადგინონ წესით, სასკოლო დროს ან სკოლის ტერიტორიაზე ისარგებლონ კანონით გათვალისწინებული და სკოლის მიერ აღიარებული ყველა უფლებითა და თავისუფლებით, აგრეთვე სკოლის ყველა რესურსით.

რა ვალდებულებები აქვს საქართველოს განათლებისა და მეცნიერების სამინისტროს მასწავლებელთა გაერთიანებების (პროფესიული კავშირების) მონაწილეობით, ადგენს საჯარო სკოლების მასწავლებლის შრომის ანაზღაურების მინიმალურ ოდენობასა და პირობებს, ამტკიცებს სკოლების მიერ მასწავლებელთან დადებული შრომითი ხელშეკრულებების სავალდებულო პირობებს. იგი პროფესიულ კავშირებთან თანამშრომლობით გეგმავს ღონისძიებებს მასწავლებელთა კვალიფიკაციის ასამაღლებლად.

მასწავლებელთა პროფესიული განვითარების ეროვნული ცენტრი, მასწავლებელთა ასოციაციებისა და ორგანიზაციების მონაწილეობით, უზრუნველყოფს მასწავლებლის პროფესიული ეთიკის კოდექსის პროექტის მომზადებას და დასამტკიცებლად საქართველოს განათლებისა და მეცნიერების სამინისტროსთვის წარდგენას.

რა ვალდებულებები აქვს მასწავლებელთა პროფესიული განვითარების ეროვნულ ცენტრს პედაგოგთა კვალიფიკაციის ამაღლების ხელშეწყობისათვის დაკავშირებით?

მასწავლებელთა პროფესიული განვითარების ეროვნული ცენტრი ვალდებულია, ხელი შეუწყოს მასწავლებელთა პროფესიული მომზადების, განვითარებისა და მასწავლებლობის უფლების მინიჭების ერთიანი, მოქნილი სისტემის ჩამოყალიბებას, მასწავლებლის პროფესიის სტატუსის ამაღლებას. ცენტრის საქმიანობის სფეროს წარმოადგენს მასწავლებელთა პროფესიული მომზადების და განვითარების პროგრამების შესამუშავებლად რეკომენდაციების მომზადება.

მასწავლებელთა პროფესიული განვითარების ეროვნული ცენტრი თავის საქმიანობას ორი უმთავრესი პრიორიტეტული მიმართულებით ახორციელებს: მოქმედი მასწავლებლების პროფესიული განვითარება, კვალიფიციური კადრების მოზიდვა, მათი მომზადებისა და პროფესიაში შენარჩუნების ხელშეწყობა.

ვინაიდან მასწავლებელთა პროფესიული განვითარების ეროვნული ცენტრი, თავისი დებულების თანახმად, უზრუნველყოფს მასწავლებლის პროფესიის სტატუსის ამაღლებას, მასწავლებლის პროფესიული ცოდნის, საქმიანობის მაღალ სტანდარტს, სწავლებისა და სწავლის ხარისხის მნიშვნელოვნად გაუმჯობესებას მასწავლებლის, მოსწავლეებისა და საზოგადოების სასარგებლოდ, საქმიანობის მიზნებიდან გამომდინარე, იგი ვალდებულია, გადაამზადოს სკოლის პედაგოგები სასერტიფიკაციო გამოცდებისათვის და მუდმივად იზრუნოს მათი კვალიფიკაციის ამაღლებაზე.

თამარ ავალიანი  
საქართველოს პედაგოგთა და მეცნიერთა  
თავისუფალი პროფკავშირის იურისტი



2012 წლის 3 აპრილს ახალციხის №5 საჯარო სკოლის 1<sup>4</sup> კლასში ჩატარდა ღია გაკვეთილი ქართულ ენაში, თემაზე: „მეგობრობა გზად და ხიდად“ (პედაგოგი - იზა მარას-გივილი). ღია გაკვეთილს ესწრებოდა სკოლის დირექტორი, ქალბატონი **ჟენია მერაბიშვილი** და სკოლის რამდენიმე პედაგოგი.

კლასში შესანიშნავი გარემოა, ბევრი თვალსაჩინოება, ბევრი ფერადი ილუსტრაცია. გაკვეთილი მიმდინარეობს მასწავლებლის მიერ შემუშავებული გეგმის მიხედვით. გაკვეთილი შეეხებოდა მეგობრობას, ბავშვები ძალიან კარგად

კითხულობდნენ, აქტიურად პასუხობდნენ მასწავლებლის მიერ დასმულ შეკითხვებს, თითოეული მოსწავლე აქტიურად იყო ჩართული საგაკვეთილო პროცესში. მათ ისაუბრეს ხალხთა მეგობრობის შესახებ. მასწავლებელს არ გამოეჩინა თანამედროვეობასთან კავშირი. მან აუხსნა ბავშვებს, თუ რა კარგი პროექტებია განხორციელებული საქართველოში. მაგალითად, ერთ-ერთი გაცვლითი პროგრამა, როდესაც უცხოეთიდან ჩამოდიან პედაგოგები, რომლებიც ასწავლიან ჩვენს მოსწავლეებს უცხო ენებს ან კიდევ სკოლებს შორის მოსწავლე-

თა გაცვლითი პროგრამა, როცა სხვა ქალაქებიდან, სხვადასხვა სკოლებიდან ან პირიქით, ჩვენი ქალაქიდან, ჩვენივე სკოლიდან მოსწავლეების გაცვლა დამეგობრების მიზნით.

გაკვეთილზე ისაუბრეს აგრეთვე ადამიანის და ცხოველების ურთიერთობებზე, მათ მოვლა-პატრონობაზე. რადგან მომდევნო გაკვეთილის თემა „კომპლემენტი“ იყო, მასწავლებელმა მოხერხებულად შეძლო ძველი და ახალი მასალის ერთმანეთთან დაკავშირება, აუხსნა მათ, თუ რა განსხვავებაა ხალხურ და ლიტერატურულ ზღაპარს შორის, ბავშვებს აჩვენა ბუკებში ჩატვირთული „კომპლემენტი“ ილუსტრაციები, რომლებსაც ისინი ხალხისთა და ინტერესით ათვალთვლებდნენ.

გაკვეთილის მსვლელობის დროს ჰქონდათ სახალისო შესვენებები - ივარჯიშეს მუსიკის ფონზე. გაკვეთილის ბოლო 10 წუთი მასწავლებელმა განტვირთვისთვის გამოიყენა და ბავშვებს შესთავაზა ხატვა ბუკებში Paint-ის პროგრამაში. მოსწავლეებმა ხალხისთა და მონდომებით შეასრულეს მიცემული დავალება, დახატეს კომპლემენტი და ცხვრები.

ქალბატონმა ჟენია მერაბიშვილმა აღფრთოვანება ვერ დამალა იმით, თუ როგორ კარგად შეძლეს ბავშვებმა ბუკებში ხატვა.

ხათუნა შვებუარიძე  
ახალციხის №5 საჯარო სკოლის  
1<sup>2</sup> კლასის პედაგოგი

„ეს გაზაფხული შენია, დედა“

ხანგრძლივი ზამთრის შემდეგ გაზაფხულის მოსვლა და დედის დღე მოგვიანებით, მაგრამ საინტერესოდ და ორიგინალურად აღინიშნა ქუთაისის კერძო სკოლა „ლამპარში“ (დირექტორი \* მანანა სილაგაძე). მოსწავლეებმა დედაშვილობის თემაზე შექმნილი საკუთარი შემოქმედებითი ნიმუშებით მოამზადეს მიმზიდველი ექსპოზიცია, რომელიც სკოლის სააქტო დარბაზს ამშვენებდა და განსაკუთრებულ ელფერს სძენდა ღონისძიებას. საგაზაფხულო გარემოს ქმნიდა უხვად მიმოზნეული ყოჩივარდები, იები და ტიტები. მიზნობრივად შერჩეული მუსიკის ფონზე, მოსწავლეებმა დედისადმი მიძღვნილი საუკეთესო ლექსები წაიკითხეს.

სალამო იმით გამოირჩეოდა, რომ მისი მონაწილეები სკოლის მრავალშვილიანი დედეები და მათი შვილები იყვნენ. როგორც აღმოჩნდა, „ლამპარი“ მრავალშვილიანი ოჯახებით საკმაოდ მდიდარია. დარბაზში სამი, ოთხი, ხუთი და ექვსი შვილის 15 მშობელი იმყოფებოდა. ზოგიერთმა მათგანმა საკუთარი ოჯახური წარმოდგენებით დაგვამახსოვრა თავი. მარინე მანგოშვილმა შვილებთან - საბა, ნოე და თამაზ ზიგზიგაძეებთან ერთად წარმოადგინა ინსცენირება და მუსიკალური ნომერი. ასევე საინტერესო იყო დედა-შვილის - ნატალია, სალომე და ალექსი მამისიშვილების შეხმატკბილებული სიმღერა. დუეტის სახით წაიკითხეს ლექსი ნატალია და ელენე გაფრინდაშვილებმა, ევა, ნიკოლოზ და ლუკა მანაგაძეებმა, ლუიზა, მარიამ და გიორგი ბილისიშვილებმა, სოფიო და მარიამ კუხიანიძეებმა. მშობლები აშკარად მოჭარბებული ემოციებით გამოირჩეოდნენ, რაც დარბაზსაც გადაეღო.

აღსანიშნავია „მზე შინას“ ფონზე შესრულებული ცეკვა „სამაია“ (ნია ჯანელიძე, მარიამ სინატაშვილი და მარიამ კუხიანიძე).

ყველას ყურადღება მიიქცია დღევანდელი რეალობის ამსახველმა სიტყვამ „დედა - ბებია“. დარბაზში ორი ასეთი ქალბატონი - შურა კაბანაძე და როზა ყვავაძე ბრძანდებოდა. შვილიშვილებმა გულთბილი სიტყ-



ვებით გადაუხადეს მადლობა მათ.

ღონისძიების დასასრულს დირექტორმა, ქალბატონმა მანანა სილაგაძემ, სამახსოვრო საჩუქრები გადასცა მრავალშვილიანი დედეებს. მადლობა გადაუხადა ამ ღამეში საღამოს ორგანიზატორს - ირინე საჭაპურიძეს (დირექტორის მოადგილე სასწავლო დარგში, სერტიფიცირებული პედაგოგი), ბელა ბობოხიძეს (მუსიკის მასწავლებელი), მურმან ჭუმბურიძეს (ქორეოგრაფი) და ანა არბოლიშვილს (სლაიდ შოუს ავტორი).

დედაშვილობისადმი მიძღვნილ საღამოს მაღალი შეფასება მისცეს მონაწილეებმა სტუმრებმა: ანდრო ლოსაბერიძემ (რესურსცენტრის უფროსი), დავით ახვლედიანმა (გამარჯვების მინიციპალიტეტის მერიის სამსახურის რწმუნებული), მაია ხვისტაშვილი (11 შვილის დედა) სკოლის მოძღვარმა დეკანოზმა სვიმეონმა დალოცა მშობლები და მათი შვილები.

მარინე უკლაბა





# „გზა პარლამენტისაკენ“

## სასკოლო დეპატებში დასავლეთ საქართველოს ჩამოყალიბებული კერძო სკოლა „მზეკაბანი-2007“ გახდა

ოთხი წელია, რაც საქართველოში სასკოლო დეპატები იმართება. პროექტის „გზა პარლამენტისაკენ“ მიზანია, დეპატების კონკურსის ორგანიზებით, ახალგაზრდებს შორის ამ უნარის განვითარების ხელშეწყობა. პროექტს საფუძვლად დაედო ACORA – ცენტრალური ევროპა – საზოგადოება დემოკრატიისა და კულტურისთვის ინიციატივა, რომელიც ევროდნობდა ჰოლანდიურ სატელევიზიო გადაცემას „სახალხო პარლამენტი“. მეხუთე წელია, მსგავსი კონკურსები რეგულარულად ტარდება ჩეხეთის რესპუბლიკაში. პროექტს ფინანსურ მხარდაჭერას უწევს ჩეხეთის საგარეო საქმეთა სამინისტრო პროგრამის „ტრანსფორმაცია“ ფარგლებში. პროექტის განმხორციელებლების მიზანია ახალგაზრდობის სამოქალაქო ცნობიერების ამაღლება და საზოგადოების დემოკრატიზაცია.

2009 წლიდან იმართება დეპატები როგორც აღმოსავლეთ, ასევე დასავლეთ საქართველოში. 2011 წლიდან კი, კონკურსში თერჯოლის №2 საჯარო და კერძო სკოლა „მზეკაბანი-2007“ ჩაერთო და 18 დეკემბერს პირველი ტურიც გაიმართა, რომელშიც ამბროლაურის №1 და №2 საჯარო სკოლებიც მონაწილეობდნენ. ნახევარფინალში გადავიდა კერძო სკოლა „მზეკაბანი-2007“. 2012 წლის 1 აპრილს, თერჯოლის მოსწავლე ახალგაზრდობის მუნიციპალურ ცენტრში, ნახევარფინალური და ფინალური შეხვედრები შედგა, მონაწილეობდნენ: ტყიბულის №1, სამტრედიის №4, ჩოხატაურის №1 საჯარო სკოლები და თერჯოლიდან – კერძო სკოლა „მზეკაბანი-2007“.

დეპატებს უიური აფასებდა, რომლის წევრებიც იყვნენ: საერთაშორისო ასოციაცია „კვიეტას გეორგიკას“ ხელმძღვანელი გიორგი მესხიძე; ნინო წიკლაური – ტრენერი, რომელიც შედგოვებს უტარებს დეპატებთან დაკავშირებით ტრენინგებს; ნანა ყურაშვილი – ჩეხური არასამთავრობო ორგანიზაცია „ადამიანი გაჭირვებაში“ PIN-ის ახალგაზრდული პროგრამების მენეჯერი; ნინო დოლიძე – საქართველოს საზოგადოებრივ საქმეთა ინსტიტუტის (GIPA) პროფესორი. უიურის წევრი უნდა ყოფილიყო ქალბატონი ივანა ბურსიკოვა – ACORA ცენტრალური ევროპის ხელმძღვანელი პარლამენტი, რომელიც საქართველოში ჩამოვიდა დეპატებთან დაკავშირებით, მაგრამ, სამწუხაროდ, ავადმყოფობის გამო ვერ შეძლო დეპატებზე დასწრება. დეპატების მოდერატორი გახლდათ ალექსანდრე კალანდაძე, კონსულტანტი ადგილობრივი თვითმმართველობის საკითხებში.

სასკოლო დეპატების შესახებ გვიამბობენ და შთაბეჭდილებებს გვიზიარებენ „მზეკაბანელები“:

შეუფასებელია სასკოლო დეპატების „გზა პარლამენტისაკენ“ ორგანიზატორის – „კვიეტას გეორგიკას“ დამსახურება საერთაშორისო საგანმანათლებლო სივრცეში ინტეგრაციისათვის მომზადებული თაობის აღზრდაში. სწორედ ეს შთაბეჭდილება დამრჩა დეპატების მიმდინარეობისას, როცა ამდენ მოაზროვნე, განათლებულ ახალგაზრდას ვხვდავდი.

მოდებატე არ იბადება, მოდებატე უნდა გაზარდო. ამის მიღწევა სხვადასხვა გზით ხდება, როგორცაა პრეზენტაცია, ინდივიდუალური და გუნდური პროექტებში მონაწილეობა, დისკუსია, ჯგუფური მუშაობა, არგუმენტირებული ესეების წერა, დეპატ-კლუბის მუშაობაში მონაწილეობა და ა.შ. ყველა შემთხვევაში ჩამოთვლილი აქტივობა სისტემატურად ტარდება ჩვენს სკოლაში. სწორედ ამან განაპირობა გუნდის უდიდესი წარმატება.

უზომო სიამაყითა და სიამოვნებით მავსებდა მათი თამაშის ცქერა, რადგან იმ წუთებში სკოლის ოთხნახევარი წლის განმავლობაში გაწეული შრომის შედეგს ვიძიებდი.

**ნინელი გვენეტაძე**  
კერძო სკოლის „მზეკაბანი-2007“  
დირექტორი

მიმდინარე წელს კიდევ ერთი ლამაზი დღე ჩაინერა კერძო სკოლის „მზეკაბანი-2007“ ისტორიაში. მოსწავლეთათვის გამართულ დეპატებში – „გზა პარლამენტისაკენ“ – სკოლის გუნდი დასავლეთ საქართველოს ჩემპიონი გახდა.

ეს იყო მღელვარებითა და მოლოდინით აღსავსე 4 საათი, რომელშიც დარბაზში მსხდომ მასწავლებელს უდიდესი სიამოვნება მოგვარა (სხვათა შორის, იგივე აღნიშნა კომპეტენტურმა უიურმა).

ვფიქრობ, ინტერესმოკლებული არ იქნება, რომ მკითხველი დეტალურად გაეცნოს იმას, თუ რა ხდებოდა დეპატების მსვლელობისას.

ვეცდებით, გადმოვცეთ ის ძლიერი მუხტი, რომლითაც დარბაზში მსხდომნი იყვნენ მონუსხულნი მთელი 4 საათის განმავლობაში.

გადაუჭარბებლად შემიძლია ვთქვა, რომ „მზეკაბანის“ გუნდმა დეპატების კლასიკური ნიმუში აჩვენა, რითაც უიურისა და მასწავლებლის ერთსულოვანი მოწონება დაიმსახურა.

გუნდის წარმატების გარანტი გახდა დეპატების ყველა პრინციპის ზუსტი დაცვა.

უიურის მიერ აღინიშნა, რომ „მზეკაბანელთა“ უპირატესობა განაპირობა მისმა გუნდურობამ – ათივე მოდებატე აქტიურად იყო ჩართული კონკურსში, ყველა მათგანს ჰქონდა საშუალება, გამოეხატა საკუთარი პოზიცია.

დამწყები გუნდის გამოსვლა პირველ შთაბეჭდილებას ქმნის უიურისთვის. ამიტომ მნიშვნელოვანია, ვინ და როგორ იწყებს დეპატებს, მისი გამოსვლა უნდა იყოს დამაჯერებელი. ეს ნამდვილად კარგად გამოვივლია ანა ქორიაშვილს, როცა მან დაიწყო და გამოხატა პარტნიორობა პოზიცია, შეძლო დამაჯერებელი არგუმენტირება, რამაც გუნდი სწორ გზაზე დააყენა წარმატებული დეპატებისკენ.

გონებამახვილობა – ეს დეპატების მორიგი მნიშვნელოვანი ელემენტია. უპირატესობა ენიჭება მას, ვინც შენიშვნებზე ზუსტად ურტყამს მიზანში.

ამ მხრივ, ტოლი არავის დაუდეს თამთა მაკარიძემ და მარენ ნიკოლაძემ, მათი ადეკვატური რეაქციები ოპონენტთა ნათქვამზე ძალზე ეფექტური იყო და, გარკვეულწილად, მომავალი წარმატების საწინდარი აღმოჩნდა.

დეპატებისას ძალზე მნიშვნელოვანია საკუთარ გამოცდილებაზე დაფუძნებული არგუმენტების გამოყენება, რადგანაც ოპონენტს უძნელდება მათი გაბათილება. ასეთი არგუმენტები ყოველთვის დამა-

ჯერებლად უდერს და მათ პირდაპირ ვერავინ უარყოფს. ია დოლაკიძემ და თამარ კუჭავამ არაჩვეულებრივად გაამყარეს გუნდის პოზიცია პირადი მავალითებით.

კონკურსის დროს სპონტანური იუმორის დიდი მნიშვნელობა ენიჭება. გუნდის პოზიციის გასამაგრებლად, არგუმენტირებისას, ილია ბუცხრიკიძემ მოხდენილად გამოიყენა „ვეტერანული მიკ ტაისონის მიერ მონინალმდევისათვის ყურის მოჭმის ფაქტი“, რითაც არა მარტო გულშემატკივრების, არამედ ოპონენტთა მომხრეების ტაში დაიმსახურა.

მოდებატის არგუმენტები მეტ დამაჯერებლობას იძენენ, თუკი იგი ბუნებრივი შეტყუვლაციითა და მიმიკით საუბრობს, სათანადოდ ცვლის ხმის ტემპსა და ტონალობას. ნათია ქარქაშიძემ ყოველივე ეს არაჩვეულებრივად მოახერხა კონკურსის დროს, როცა ერთ-ერთ მონინალმდეგეს შესაშური სიმშვიდით, სასიამოვნო ინტონაციით, სათანადო შეტყუვლაციის „თანხლებით“ მიუთითა, რომ იგი ასცდა კონკრეტულ სადებატო თემას და ადვილად გააბათილა მისი არგუმენტი.

დეპატებში დრო განსაკუთრებულ როლს თამაშობს. მოგებულია ის, ვინც ახერხებს და დროს თავის სასარგებლოდ იყენებს. კონკურსისას მონილოგი არ უნდა აჭარბებდეს ერთ წუთს. ეს წესი გუნდის არც ერთ წევრს არ დაურღვევია, მაგრამ აუცილებლად უნდა აღინიშნოს გიორგი დოლაკიძის მოხერხება, როცა მან მოასწრო და დარჩენილ ერთ წუთში თავისი „ბოლო სიტყვით“ გუნდს ერთ-ერთ დეპატში გამარჯვება მოუტანა.

კონკურსანტისათვის განსაკუთრებულ სირთულეს წარმოადგენს მონაწილეობა დეპატებში ორი ორზე, სადაც მოსწავლეები შეიძინა თვის განმავლობაში დეპატობენ მითითებულ თემაზე. ამ რთულ მისიას არაჩვეულებრივად გაართვას თავი ნახევარფინალში თამარ მახ-

ვილაძემ და ანი სიმონგულაშვილმა, ხოლო ფინალში შეუდარებელი გახლდათ გიორგი დოლაკიძისა და თამარ მახვილაძის დუეტი.

უიურის თავმჯდომარემ აღნიშნა, რომ „მზეკაბანი“ გამოკვეთილი ლიდერის გარეშე თამაშობდა, გუნდური პრინციპით, მაგრამ დეპატებიდან გამომდინარე დასახელდა საუკეთესო მოთამაშე – ეს ტიტული სამართლიანად მოიპოვა ანი სიმონგულაშვილმა, იგი არაჩვეულებრივი იყო თამაშის ყველა ეტაპზე, განსაკუთრებით მაშინ, როცა ოპონენტებს უმტკიცებდა, რომ „არ შეიძლება აიკრძალოს ძალადობის ნიშნის მატარებელი სათამაშოების გაყიდვა“, რადგან ამ სათამაშოებით ბავშვი უდიდეს სიამოვნებას ღებულობს და ყოველივე ეს თამაშის დასრულებისთანავე მთავრდება. მანვე აღნიშნა, რომ ქართველი ბავშვები ოდითგანვე ერთობოდნენ ხის სათამაშო ხმლებითა და ფარებით და ყალიბდებოდნენ არა აგრესორებად, არამედ ვაჟკაცებად. ბოლოს კი, მის მიერ გაუღერებულმა ფრაზებმა „აბა, ჩვენი ბიჭები ბარბის თოჯინებზე ხომ არ გაიზრდებიანო“ – დარბაზში საყოველთაო მხარდაჭერა მოიპოვა. ანი სიმონგულაშვილს საუკეთესო მოდებატის ტიტული მიენიჭა და გადაეცა პრიზი „მსოფლიო ისტორიის ენციკლოპედია“.

ამ დიდ წარმატებას ვულოცავ გუნდის ყველა წევრს, მათ მწვრთნელს – ნათია გამყრელიძეს, მთელ თერჯოლას, რადგან ეს ფაქტი მეტყველებს რაიონში სამოქალაქო საზოგადოების ზრდის პროცესზე.

ბედნიერი ვარ, რომ საქართველოში, ამ ახალგაზრდების სახით, ნიჭიერი, ღრმად მოაზროვნე, მაღალი ინტელექტის მქონე თაობა ეზრდება.

**აზა მემანიშვილი**  
დირექტორის დოდაგილე  
სასწავლო-აღმზრდელით  
დარგში

კომუნიკაბელური ადამიანი ვარ, მაგრამ მიჭირდა აუდიტორიის წინაშე წარდგომა. ყოველთვის მერჩვენა ჩრდილში ყოფნა, მაგრამ ვინ დაგანება თავი? ოთხი წელია მესმის: „ია, შენ ეს შევიძლია! ამის უნდა იგი გაქვს“ და პრეზენტაციებში, ინდივიდუალური და გუნდური პროექტებში, სასწავლო-შემოქმედებით კონფერენციებში, დეპატკლუბებში, ინტელექტუალურ თამაშებში მონაწილეობით იმდენი რამ „შემომასწავლეს“, რომ დღეს მოდებატის უნარებზე შევიძინე და ჩემი წვლილიც შევიტანე გუნდის საერთო წარმატებაში.

**ია დოლაკიძე**  
XI კლასის მოსწავლე

„მზეკაბანში“ ორი წლის წინ გადმოვიდი და ჩემი გაცემის ხანაც დაიწყო.

ვერ წარმოვიდგენდი, თუ შეიძლებოდა სკოლის დირექტორს თითოეული მოსწავლის შესაძლებლობების გამოვლენასა და განვითარებაზე ამდენი დრო და ენერჯია დაეხარჯა.

მიჭირდა ჩემი აზრის თანმიმდევრულად და არგუმენტირებულად გადმოცემა, წერაზე რომ არაფერი ვთქვა. ქალბატონებმა – ნინელი გვენეტაძემ და მანანა წერეთელმა იმდენი მოახერხეს, რომ ქართული ენისა და ლიტერატურის ოლიმპიადაზე კარგი შედეგი ვაჩვენე და საუკეთესო მოდებატის ტიტულიც მოვიპოვე.

მე არა ვარ გამონაკლისი. სკოლაში ყველაზე ასე ზრუნავენ. ამიტომაცაა ყველა ჩვენგანისთვის „მზეკაბანი“ ნამდვილი ცოდნის ტაძარი, სადაც სწავლა ყველა მოსწავლისათვის უდიდესი ბედნიერებაა.

**ანი სიმონგულაშვილი**  
XI კლასის მოსწავლე



მე-9 გვერდიდან

„მზეკაბანში“ მოსვლამდე ვერასოდეს წარმოვიდგენდი, თუ ვინმესთან კამათს გავებედავდი და ისიც სცენაზე.

დაფასთან გასვლა და გაკვეთილის მოყოლაც კი მერიდებოდა. დიდი მადლობა ყველა პედაგოგს, რომელთა წყალობითაც ჩემს ძალებში დაურწმუნებელი ადამიანიდან მოდებამ გავხდი, რომელიც მზადაა უპასუხო ხვალინდელი დღის ნებისმიერ გამოწვევას.

ანა ქოჩიაშვილი  
XII კლასის მოსწავლე

დებატებში მონაწილეობაც კი დიდი ბედნიერებაა, მაგრამ არაფერი შეედრება გამარჯვების სიხარულს. მე მიწადა მადლობა გადავუხადო ყველა ადამიანს, ვინც დაგვეხმარა ამ გამარჯვებაში. ჩვენს წარმატებაში განსაკუთრებული წვლილი სკოლას მიუძღვის, რადგან ყოველდღიურად ვშრომობთ და ვემზადებით ასეთი გამარჯვებები-

სათვის. გარდა ამისა, მნიშვნელოვანია ქალბატონ ნათია გამყრელიძის წვლილიც. ის ყოველდღიურად დიდ დროს ატარებდა ჩვენთან, რადგან უკეთესად გაგვევითარებინა სკოლაში მიღებული უნარ-ჩვევები, რომლებიც დებატების დროს აუცილებელია. დარწმუნებული ვარ, ყველა ჩემი მეგობარი ბედნიერია, რადგან ჩვენ დასავლეთ საქართველოს ჩემპიონები ვართ მოსწავლეთა დებატებში – „გზა პარლამენტისაკენ“.

თამარ მახვილაძე  
XII კლასის მოსწავლე

ბედნიერი ვარ, რომ ჩემმა გუნდმა უდიდეს წარმატებას მიაღწია – გავხდით დასავლეთ საქართველოს ჩემპიონები სასკოლო დებატებში. მიწადა მადლობა გადავუხადო ყველა იმ ადამიანს, ვისაც თუნდაც მცირეოდენი წვლილი მიუძღვის ჩვენს გამარჯვებაში. მადლობა ჩვენს მონაწილეებზე გუნდებს, სწორედ მათმა სიძლიერემ გვიბიძგა უკეთესად წარმოგვეჩინა ჩვენი შესაძლებლობები. სცენაზე ასე-

ლამდე ჩვენმა გუნდმა რთული გზა გაიარა, რომელიც დებატებისთვის მზადების მხოლოდ ორ თვეს კი არა, სკოლაში სწავლის მთელ პერიოდს მოიცავდა.

დებატებში გამარჯვებამ დამანახა, რომ სკოლაში მოსწავლემ მხოლოდ ატესტატის ასაღებად და უნივერსიტეტში ჩასაბარებლად კი არ უნდა იაროს, არამედ შეიძინოს ყველა ის უნარ-ჩვევა, რომელიც ცხოვრებაში საკუთარი ადგილის პოვნაში დაეხმარება.

მარგ ნიკოლაძე  
XII კლასის მოსწავლე

ჩვენმა გუნდმა ღირსეულად გაიმარჯვა. ენით აუნერულია ის სიხარული, რომელიც განვიცადეთ შედეგების გამოცხადებისას. ბევრი ვიშრომეთ მიზნის მისაღწევად, მაგრამ ამ ყველაფერს მაინც ვერ მოვახერხებდით ერთი და ორ კვირაში, რომ არა წლების განმავლობაში სკოლაში შეძენილი ცოდნა და უნარ-ჩვევები.

თამარ კუჭავა  
XI კლასის მოსწავლე

დებატები ცოდნის, აზროვნებისა და ინტელექტის ტრიუმფი იყო. პირველივე წუთებიდან ყველამ იგრძნო, თუ რა დიდ სიამოვნებას ვიღებდით ბავშვები ამ ყველაფრისგან. ეს გამარჯვება ყველა იმ ადამიანის დამსახურებაა, ვისაც ერთი გაკვეთილი მაინც ჩაუტარებია ჩვენთვის. ეს ყველაფერი საკმაოდ მძიმე შრომის შედეგია, რომელიც ჩვენს წარმატებულ მომავალს ემსახურება.

ჩემი აზრით, ამ პროექტის მესვეურები დიდ საქმეს ემსახურებიან, რადგან მთელი სულითა და გულით ცდილობენ ნიჭიერი და ჭკვიანი ბავშვების წარმოჩენას.

ეს დღე კი ყველას გვემახსოვრება. ძალიან დიდი მადლობა ჩვენს დირექტორს, ქალბატონ ნინელი გვენეტაძეს და მწვრთნელს ნათია გამყრელიძეს, ამ გამარჯვებაში სწორედ მათ მიუძღვით ლომის წილი, ყველანი ვგრძნობდით მათ უდიდეს თანადგომას.

ილია ბუცხრიკიძე  
XI კლასის მოსწავლე

ამ პროექტმა გაზარდა ჩვენი ცოდნა, კიდევ უფრო განვვივითარა თავისუფალი აზროვნებისა და არგუმენტირების უნარი. შეიძლება ითქვას, რომ ნამდვილად დავეუფლეთ დებატების ტექნიკის სანყის ელემენტებს.

დებატების მონაწილე ყველა მოსწავლე ღირსეული იყო. გამარჯვება კი ჩვენ დამსახურებულად მოვიპოვეთ. კომპეტენტური ჟიურის აზრით, ჩვენი წარმატება განაპირობა პირველი ეტაპის შემდეგ გუნდის მიერ მიღწეულმა დიდმა პროგრესმა, ყველა მონაწილის აქტიურობამ და გუნდურობამ.

ჟიურის კომენტარმა კიდევ უფრო განმიმტკიცა რწმენა, რომ ნებისმიერ კონკურსში გამარჯვების მიზეზი მოსწავლის და პედაგოგის შეთანხმებული მუშაობაა. ესაა ყველა ჩემი წარმატების საიდუმლო.

გიორგი დოლაკიძე  
XI კლასის მოსწავლე



# ქართული ენის დღე ქუთაისის მუზეუმში



ქუთაისის №8 საჯარო სკოლის მეხუთე კლასის მოსწავლეებმა სახელმწიფო ისტორიულ მუზეუმში გამართეს ქართული ენის დღისადმი მიძღვნილი ლიტერატურული საღამო – „ო, ენა ჩემო!“ (ლონისძიების ხელმძღვანელი – ქართული ენისა და ლიტერატურის მასწავლებელი **მზია ზარნაძე**, კლასის ხელმძღვანელი – **სოფიო ბასილაძე**). შთაბეჭდილი იყო ყოველი სიტყვა, ლექსი თუ ბრძნული გამონათქვამი, რომელშიც მშობლიური ენის ხოტბა და სიყვარული ჩანდა. მოსწავლეებმა წაიკითხეს ენის სადიდებელი საკუთარი ლექსები, შეასრულეს საქართველოს ჰიმნი, უგალობეს მამულისათვის თავდადებულ ადამიანებს, უმღერეს საკუთარ ქალაქს. მოსწავლეებმა კარს მომდგარი ადგომის ბრწყინვალე დღესასწაული მიულოცეს მსმენელებს და სრულიად საქართველოს, მრავალჭამიერი უსურვეს მამულს, ენას და

სარწმუნოებას, გამოთქვეს რწმენა, რომ საქართველოს გადაშენება არ უნერია, დადეს ფიცი საჭიროების შემთხვევაში თავგანწირვისა. ლონისძიებს მალაღობა შეფასება მისცეს: ქუთაისის სახელმწიფო ისტორიული მუზეუმის საკადრო რესურსების მართვის სამსახურის უფროსმა, ასოციერებულმა პროფესორმა **ნონა ქარციძემ**; ხელნაწერთა კოლექციების კურატორმა **ციცინო მუმლაძემ**; ახალი ისტორიისა და განათლების განყოფილების კოორდინატორმა, ასოციერებულმა პროფესორმა **ლია გაბუნია**მ. მშობელთა სახელით მოსწავლეებს, პედაგოგებსა და მუზეუმის ხელმძღვანელობას მადლობა გადაუხადა **ემზარ ჭიჭინაძემ**.

**მზია ზარნაძე**  
ქუთაისის №8 საჯარო სკოლის ქართული ენისა და ლიტერატურის მასწავლებელი



სიასლა!



კლასიკური პოეზია



სამი ტომის ფასი 21 ლარი

თემატური პლაკატები დაწყებითი კლასებისთვის

ფორმატი A2 (42x59.4 სმ)

1. ძართული ანბანი
2. წელიწადის დროები: შემოდგომა-ზამთარი
3. წელიწადის დროები: გაზაფხული-ზაფხული
4. ფერები
5. ფორმები
6. გარეული ცხოველები
7. გარეული ფრინველები
8. პროფესიები
9. რიცხვები
10. სილ-პოსტნული
11. შინაური ცხოველები
12. ტანსაცმელი
13. ჰიგიენის ნივთები
14. საოჯახო ნივთები
15. ტრანსპორტი
16. წყლის ბინადრები
17. ინგლისური ანბანი
18. რუსული ანბანი
19. ჩემი საძარტველი

ერთი ცალის ფასი 2.5 ლარი

თემატური პლაკატები მაღალი კლასებისთვის

ფორმატი A1 (59.4x84.1 სმ)

1. რელიგიების წარმოშობა
2. გარეული ფრინველები საძარტველოში
3. გარეული ცხოველები საძარტველოში
4. მწერები
5. ძართული ხალხური საძარტველები
6. ძველწარმოებები საძარტველოში
7. საძარტველო მცენარეები
8. ადამიანის აგებულება
9. რეპტილიები და დინოზავრები
10. ნიღაბი - სიცოცხლის წყარო
11. ქველი როში
12. მსოფლიოს დროები
13. ზღვის დინოზავრი
14. ძირითადი ელემენტების პერიოდული სისტემა
15. საფხაროს წარმოშობა
16. ძარტველი მემორის შეიარაღება და საბრძოლო ტექნიკა
17. მსოფლიოს შვიდი საოცრება

ერთი ცალის ფასი 3 ლარი

ქართული ლიტერატურის კაბინეტისთვის მწერალთა პორტრეტები (34x47 სმ)

- |                          |                          |                        |
|--------------------------|--------------------------|------------------------|
| 1. მიხეილ ჯავახიშვილი    | 10. იოსებ ბრიჯაშვილი     | 19. აკაკი წერეთელი     |
| 2. ბიორგი ლეონიძე        | 11. პოლიქარპე კაკაბაძე   | 20. რუსთაველი          |
| 3. ირაკლი აბაშიძე        | 12. გურამ რჩეულიშვილი    | 21. ვაჟა-ფშაველა       |
| 4. ნოდარ დუმბაძე         | 13. იაკობ ხუცესი         | 22. თეიმურაზ I         |
| 5. მირზა ბელოუზანი       | 14. ივანე სებასტიანი     | 23. ვახტანგ VI         |
| 6. აკაკი ბაქრაძე         | 15. დავით გურამიშვილი    | 24. ბიორგი მერჯული     |
| 7. ვასილ ბარნოვი         | 16. ზესიკი               | 25. ბრიგოლ ორბელიანი   |
| 8. პაულუ იაშვილი         | 17. რევაზ ინანიშვილი     | 26. დავით აღმაშენებელი |
| 9. სულხან-საბა ორბელიანი | 18. ალექსანდრე ჭავჭავაძე | 27. გურამ ასათიანი     |

ერთი ცალის ფასი 4 ლარი

რეკროდუქციები ხელოვნების კაბინეტისთვის

- |  |  |
|--|--|
| 1. ცისფერი ბალერინები - დეა                    | 7. დელფინული სიბილა - მიქელანჯელო                        |
| 2. ჰორაციუსის ფიცი - შაპ-ლუი დავიდი            | 10. მხატვრის გალი - კლოდ მონე                            |
| 3. მწყობრთა თაყვანისცემა - დომენიკო გირლანდაიო | 11. უძლები შვილის დაბრუნება - რემბრანდტი                 |
| 4. ადელ ბლოხ-გაუარის პორტრეტი - გუსტავ კლიმტი  | 12. სანაელა - რენუარი                                    |
| 5. ავტოპორტრეტი - რემბრანდტ ჰარმენს ვან რაინი  | 13. საპირაო გასაძირება, ბრან-შატის კუნძულზე - შორჰ სიორა |
| 6. მენინები - ველასკესი                        |  |

ერთი ცალის ფასი 6.5 ლარი

## ქართველი მწერლები


- ❖ ვაჟა-ფშაველა (10-ტომიანი), I-IV ტომი, - 11 ლარი
- ❖ ალექსანდრე ყაზვბეგი (2-ტომიანი), I-II ტომი, - 11 ლარი
- ❖ მინაილ ჯავახიშვილი (7-ტომიანი), I-VII ტომი - 11 ლარი
- ❖ ლევან გომთუა (7-ტომიანი), I-II ტომი - 16 ლარი
- ❖ ელიშვილ ყიფიანი (2-ტომიანი), I-II ტომი - 15 ლარი
- ❖ კონსტანტინე გამსახურდია (10-ტომიანი), I, II, III, VI, VII, VIII ტომი - 16 ლარი, IV-V ტომი - 18 ლარი
- ❖ რევაზ ინანიშვილი (6-ტომიანი), I-VI ტომი - 12 ლარი
- ❖ ვახტანგ ჭავჭავაძე (9-ტომიანი), I-IV ტომი - 12 ლარი
- ❖ ბრიგოლ აბაშიძე (6-ტომიანი), I-II ტომი - 12 ლარი
- ❖ ოტიან იოსელიანი (10-ტომიანი), I-IX ტომი - 12 ლარი
- ❖ თამაზ ჭილაძე (6-ტომიანი), I-VI ტომი - 10 ლარი
- ❖ გოდერძი ჩოხელი (5-ტომიანი), I-IV ტომი - 13 ლარი

მითითებულია თითო ტომის ფასი

## გამომცემლობა „აქალი განათლება“ და გაზეთი „ახალი განათლება“ სპეციალური პროექტი

სელმომწერთა საყურადღებოდ!  
თუ თქვენ წიგნის მოყვარული ბრძანდებით, შეგიძლიათ ისარგებლოთ „დიოგენეს“ შემოთავაზებით და გააფორმოთ სელმომწერა.

### გამომწერეთ წიგნები და მიიღეთ სპეციალური ფასად



საყმაწვილო ენციკლოპედია „მუსიკა“

~~29.90~~


17 ლარი



საყმაწვილო ენციკლოპედია „სპორტი“

~~29.90~~

10 ლარი



კომენტარული ტექსტი და ანალიტიკური გზამკვლევი ლიტერატურის შემსწავლელთა და მოყვარულთათვის ავტორი თამაზ ვასაძე

11 ლარი



მოსწავლეებისა და პედაგოგების სამაგიდო წიგნი თამარ ბეროზაშვილი „ქართული ენის სასკოლო განმარტებითი ლექსიკონი“

~~14.90~~

10 ლარი

## „ახალი განათლება“ წიგნის თანად

### მიმდინარეობს სელმომწერა

გადმორიცხვისას აუცილებლად მიუთითეთ ქალაქი, რაიონი, სოფელი, სკოლა, სახელი და გვარი.

შესაძლებელია ინდივიდუალური სელმომწერები!

მსურველები დაგვიკავშირდით ტელეფონზე:

295 80 23; 8790 95 80 23; 577 13 22 83.

სელმომწერის თანხა გადმორიცხვით რეკვიზიტებზე:

მიმღები - შპს „ახალი განათლება“, ს/კ 202058735  
ს/ს „ლიბერთი ბანკი“, ბ/კ LBRTGE22, ა/ა GE93LB0113314052305000

## უპროპორციულად!



მსოფლიო ისტორიის ენციკლოპედია

~~45~~ 35 ლარი

საბავშვო ცხოველთა ენციკლოპედია


~~30~~ 26 ლარი

სელმომწერის ილუსტრირებული ისტორია

~~40~~ 30 ლარი

### „მსოფლიო ლიტერატურის კლასიკოსები“

ერთი ტომი - 12 ლარი



• გუსტავ ფლობერი - მაღამ გოგარი

• ონორე დე ბალზაკი - მამა გორიო

• ვიქტორ ჰიუგო - პარიზის ღვთისმშობლის ტაძარი

• ემილ ზოლა - ქალთა ბედნიერება

• ალექსანდრე დიუმა - კავკასია

• ფიოდორ დოსტოევსკი - მკვდარი სახლის ჩანაწერები

• ჰენრი რაიდერ ჰაგარდი - მონტესუმას ასული

• სტენდალი - წითელი და შავი

• ლევ ტოლსტოი - კავკასიური მოთხრობები

• ჯონათან სვიფტი - გულივერის მოგზაურობა



• ერის მარია რემარკი - სამი მიგობარი

• შოდერლო დე ლაკლო - სახიფათო კავშირები

• ალექსანდრე პუშკინი - მოთხრობები

• შტეფან ცვაიგი - მოუთმენლობა გულისა

• მაინ რიდი - კვარტარონი




„რა არის რა“

50-ტომიანი.

ერთი ტომის ფასი


11 ლარი

გაყიდვავის სერიის 27 ტომი



ილია ჭავჭავაძე, ორტომიანი

ორტომიანი ფასი 16 ლარი



საქართველოს ისტორიული ატლასი

ფასი 5,70 ლარი



მთავარი რედაქტორი: მარიკა ჩიქოვანი

მისამართი: ტაბატაშვილის №3 ტელ.: 295 80 23, 8790 958023, 577 132283.  
www.axaliganatleba.ge E-mail: axaliganatleba@gmail.com Skype: axali.ganatleba

რეგისტრაციის № 2/4-1609, ინფორმაციის ხელმოწერისთვის: 76096  
გაზეთის რეგისტრირებულია დიდუბის რაიონის სასამართლოს მიერ.

რედაქციის რეკვიზიტები: საქართველოს პანკი ბ/კ BAGAGE22, ს/კ 202058735, ა/ა GE 86 BG 0000000 123631000 GEL

რედაქციაში შემოსული ხელნაწერები არ რეცენზირდება და ავტორებს არ უბრუნდებათ.

ISSN 2233-386X



9 772233 386008 >